

摘藻堂四庫全書薈要

子部

欽定四庫全書薈要

子部

御定淵鑑類函卷三百七十二

詳校官兵部主事臣雷純

欽定四庫全書薈要卷一萬一千八百二十

子部

御定淵鑑類函卷三百七十二

服飾部三

紳 環

韋 笏

珮 烏

玦 靴

紳一

禮記玉藻曰凡侍于君紳垂足如履齊 又曰紳長

制士三尺有司二尺有五寸 子游曰參分帶下紳居
二焉紳鞞結三齊

紳二

原書紳

論語曰子張書諸紳

增拖紳

又曰子疾君視之加朝服拖紳

垂紳

畫錦

堂記曰垂紳搢笏

原搢紳

漢郊祀志曰縉紳者不道謂搢笏于大帶革帶之間

又難蜀文曰

搢紳先生之徒或云薦紳

增簪紳

詩云合宴簪紳滿又風義動簪紳

纓紳

詩云濟濟盛纓紳

解紳

謝惠連雪賦曰褫佩而解紳

不紳

禮記曰麻者不紳注云紳

大帶喪代之

泉紳

韓愈詩曰泉紳拖修白石劍攢高青

天紳

又曰懸瀑垂天紳又孟

郊詩曰簷溜擲天紳

玉紳

簷雨也

韞紳

內則曰子事父母端韞紳搢笏

韞一

增釋名曰韞韞所以蔽前也婦人蔽膝亦如之齊人謂

之巨巾田家婦人出至田野以覆其頭故因以為名也

又曰跪襜跪時襜然張也 爾雅曰衣蔽前謂之襜

禮記曰一命緼韎幽衡再命赤韎幽衡三命赤韎葱

衡 又曰韠君朱大夫素士爵韋園殺直天子直諸侯

前後方大夫前方後挫角士前後正韠下廣二尺上廣
一尺長三尺其頸五寸肩革帶博二寸 又曰有虞氏

服韎鄭箋云冕服謂之韎他服謂之韠唐車服志云朝
服謂之韠冕服謂之韎案韎或作韎笄紱同又作紼

原五經要義曰太古之時未有布帛食獸肉而衣其皮
先知蔽前而未知蔽後 又曰韠者舜之所制也裳前
之蔽也 又曰天子朱韞諸侯赤韞 白虎通曰紼者
何謂也紼者蔽也行以蔽前者爾有事因以別尊卑彰
有德也 增徐廣輿服儀注曰蔽膝古之韞也戰國連
兵以紼非兵飾去之漢明帝復制韞 魏曹植求通親
親表曰解朱組佩青紼 宋史輿服志曰韞從裳色上
有紼下有純去上五寸繪以山龍火上接革帶繫之

韞二

原環濟要畧曰舜始作韞以尊祭服禹湯至周增以畫文增拾遺錄曰孔子生有麟吐玉書于闕里人家云水精之子繼商周而素王出故蒼龍繞室五星降庭徵在賢明知為神異乃以繡紱繫麟角而去夫子系殷湯水德而素王至敬王之末魯哀公二十四年魯人鉏商田于太澤得麟以示夫子知命之終抱麟解韞而涕泗焉漢書東方朔傳曰館陶公主迎武帝蔽膝登階

又曰王莽妻著布蔽膝見客 魏志曰武帝內誡令曰
宮人位為貴人金印藍韞女人爵位之極 又曰文帝
賜于禁以魏王時自所佩朱韞 吳志曰孫權潘夫人
有娠夢人以龍頭授已以蔽膝受之生亮

韞三

原夏山

殷火

禮記明堂位曰夏山殷火周龍章
山取其仁火取其明龍取其變化

蔽

前在股

上詳韞一
詩曰赤
芾在股邪幅在下

韞四

原斯皇

詩曰朱芾斯皇室家君王又服其命服朱芾斯皇

方來

易曰朱絨方來

增

困赤紱

又曰困于赤紱

垂朱紱

杜甫詩曰扶病垂朱紱

映白髮

白居易詩

曰晚遇何足言白髮映朱紱

還鈴閣

又曰便留朱絨還鈴閣

原君朱臣素

詳載一

我韞子佩

莊子曰祝牧謂其妻曰天下有道我韞子佩天下無道我負子戴注謂隱

也藏

珮一

原釋名曰佩倍也言其非一物有倍貳也有珠有玉

說文曰佩從人凡聲也佩必有巾從巾 蔡謨毛詩疑

字議曰以為佩者服用之稱珮者玉器之名稱其服用

則字從人名其器則字從玉 增詩曰青青子佩悠悠

我思 又曰將翱將翔佩玉瓊琚 又曰彼留之子遺

我佩玖 又曰何以贈之瓊瑰玉佩 又曰童子佩觿

童子佩鞶 又曰巧笑之瑳佩玉之儺 又曰宛然左

辟佩其象揅 又曰韜韜佩璲不以其長 又

箋云璲瑞玉也

曰知子之來之雜佩以贈之知子之順之雜佩以問之

知子之好之雜佩以報之 周禮曰王府掌王之金玉

玩好共王之服玉佩玉 原禮記曰古之君子必佩玉
右徵角左宮羽趨以采齊行以肆夏周還中規折還中
矩進則揖之退則揚之然後玉鏘鳴也故君子在車則
聞鸞和之聲行則鳴佩玉是以非辟之心無自入也

又曰君在不佩玉左結佩右設佩居則設佩朝則結佩
齊則綰結佩而爵韞 增又曰佩玉有衝牙君子無故
玉不去身君子于玉比德焉 原又曰立則罄折垂佩
主佩倚則臣佩垂主佩垂則臣佩委 增又曰男女未

冠笄者皆佩容臭昧爽而朝 楚辭曰長余佩之陸離

原又曰虛衣兮披披玉佩兮陸離 又曰何瓊珮之

偃蹇衆夢然而蔽之 增又涉江曰被明月兮佩寶璐

原白虎通曰所以明有佩者表意見所能故修道無

窮即佩環能大道德即佩琨能決嫌疑即佩玦是以見

其所佩即知其能故農夫亦佩其耒耜工匠佩其斧斤

婦人佩其針縷亦佩玉也 三禮圖曰凡玉佩上有雙

衡衡長五寸博一寸下有雙璜璜徑三寸衝牙蠙珠以

納其間上下為衡半璧為璜璜中橫以衝牙以蒼珠為

瑀 增文獻通考陳氏禮書曰古之君子必佩玉其制

上有折衡下有雙璜中有琚瑀下有衝牙貫之以組綬

納之以蠙珠而其色有白蒼赤之辨其聲有角徵宮羽

之應其象有仁智禮樂忠信道德之備此所以非辟之

心無自入也 原魚豢魏畧曰有雙璜雙珩琚瑀衝牙

琕珠為佩者漢明帝采古文始制 晉公卿禮秩曰特

進佩水蒼玉尚書令僕射中書監令皆佩水蒼玉 增

晉宋舊事曰太皇太后雀鈕白玉佩 原搜神記曰元
康中婦人飾五兵佩 增晉潘岳西征賦曰飛翠縷拖
鳴玉出入禁門者衆矣想佩聲之遺響若鏗鏘之在耳
齊書曰永明元年有司奏加貴妃金章紫綬淑妃于
聞玉佩 隋書曰何稠參會古今多所改創從省之服
初無佩綬稠曰此乃晦朔小朝之服安有人臣謁帝而
除去印綬兼無佩玉之節乎乃加獸頭小綬及佩一隻

珮二

增穆天子傳曰七萃之士曰百姓珪富何謀于樂天子

嘉之賜以左佩玉華

郭璞注云玉華之佩佩之精也

又曰天子渴于

沙中七萃之士高奔戎刺其左驂之頰取其清血而飲
天子天子美之乃賜奔戎珮玉一雙 原典畧曰孔子

返衛衛夫人南子使人謂之曰四方君子來者必見寡
小君孔子不得已見之夫人在錦帷中孔子北面稽首
夫人自帷中再拜環珮之聲璆然 增左傳曰晉獻公
使其太子申生伐東山臯落氏公衣之偏衣佩之金珙

狐突歎曰佩衷之旗也金寒玦離何可恃也 禮記曰

石駘仲卒無適子有庶子六人卜所以為後者曰沐浴
佩玉則兆五人者皆沐浴佩玉石祁子曰孰有執親之
喪而沐浴佩玉者乎不沐浴佩玉石祁子兆 原鹽鐵
論曰子思銀佩 說苑曰經侯過魏太子左帶玉具劔
右帶環珮左光昭右右光昭左太子不視又不問經侯
曰魏國亦有寶乎太子曰主信臣忠百姓戴之此魏之
寶也經侯解劔佩委之趨而出上車去太子使騎操劔

珮與侯曰此寒不可衣飢不可食無遺我賊也 增又

曰襄成君始封之日衣翠衣帶玉珮至流水之上大夫
莊辛見而悅之 拾遺錄曰燕昭王時西王母降與昭

王遊乎燧林之下說炎皇鑽火之術取綠桂之膏燃以
照夜忽有飛蛾銜火狀如丹雀來拂桂膏之上此蛾出
員丘之穴穴洞達于九天中有細珠流出可穿而結因
用為珮 又曰漢昭帝穿淋池廣千步植分枝荷狀如
駢蓋日照則葉低陰若葵之衛足也名曰低光荷實如

玄珠可以飾佩 又曰漢成帝時乘輿服皆尚黑宮中

美女服皐班姬以下皆玄綬鑿珮 漢蔡邕輿服志曰

孝明帝作蠙珠之佩以郊祀天地 晉令曰皇太子妃

珮瑜玉諸王郡公太宰太傅太保司空諸長公主諸王

世子大司馬大將軍太尉珮玄玉 鄴中記曰石虎出

行有女鼓吹尚書官屬皆著錦袴佩玉 唐書曰憲宗

懿安皇后郭氏穆宗嗣位上尊號皇太后凡朔望三朝

帝率百官詣宮門為壽或歲時慶問燕饗後宮戚里內

外婦車騎駢壅環珮之聲滿宮

珮三

原螭珠

象環

俱詳珮一

紉蘭

連蕙

楚辭曰紉秋蘭以爲佩王逸注紉索

也又曰連蕙若以爲佩過鮑肆而失香

捨玦

解環

孔叢子曰子產死鄭人丈夫捨玦珮

婦人捨珠玉劉向列女傳曰齊桓公行霸諸侯朝之衛獨不至公謀伐衛姬脫簪珥解環珮再拜請衛之

罪公悅

增五星

原六氣

五星珮道士服也六朝詩曰佩帶五星連

傳玄大

言賦曰腰佩六氣首戴天文

俘商

獻楚

周書曰武王俘商得佩玉億有八萬左傳曰

蔡昭侯爲兩珮如楚以一珮獻昭王子常欲其一弗與三年止之獻于子常乃得歸

雙渠璜

六火玉

董巴漢興服志曰孝明帝詔有司采周官禮記尚書皋陶篇衣裳玉佩備章采其大佩則衝牙

雙渠璜

皆以白玉

漢武帝內傳

曰上元夫人帶六出火玉之珮

遺澧浦 解江濱

楚辭曰捐余玦兮江中遺余珮兮澧浦

列仙傳曰江濱二女者不知何許人步漢江濱逢鄭交甫挑之不知

神人女遂解珮與之交甫悅受珮

而去數十步空懷無珮女亦不見

無所繫 尚可比

左傳曰吳申叔儀乞糧于公孫有山氏曰佩玉繫兮予無所繫之

溫潤之德尚可比焉

連日月

增乞飛霞

曹植與陳琳書曰帶蛇虹以為紳連日月

以為佩

韓愈詩曰乞君飛霞佩與我高

顏

珮

珮四

原左佩

刀內則曰子事父母左佩紛悅

右佩

又曰子右佩玦捍管

造大鵠木燧婦佩箴管

章德

董巴輿服志曰古者君臣佩玉尊卑有度佩以

章德為度

大戴禮曰上車以和鸞為節下車以珮玉為度上有雙衡下有雙璜衝牙玼以納其間璜

琚瑀以離之也

衷旗

詳佩二衷中旗表也

禮容

玉德

昭聲

昭其聲也于以

用之聲以發之

制容

文選佩以制容

有聲

容觀玉聲

不變

行不變玉

鏘

鳴

詳佩一

掩轉

楚辭曰佩繽紛其掩轉遂委絕而離異

增幽佩

杜甫詩曰楚宮

久已滅幽佩為誰哀

趨佩

柳宗元詩曰響切晨趨佩

襍佩

詩曰襍佩亦銷鑠

劒

佩

漢史曰單于來朝賜以玉具劒佩

紳佩

纓綈之徒紳佩之士皆儒學也

纓佩

文選

曰纓佩
空為忝

落佩

杜牧賦曰倒冠落佩兮與世闊疎

瘞佩

柳宗元弔屈原文曰沈璜

瘞佩兮孰幽而不光

佩犢

漢龔遂守渤海使民賣劍買牛賣刀買犢曰帶劍佩刀何如帶牛佩犢

佩魚

服飾總論唐之綬有佩龜佩魚之制

草承

杜甫詩曰宮草霏霏承委佩

花

迎

岑參詩曰花迎劍佩星初落

佩黻豚

史曰子路性勇冠雄雞佩黻豚

佩霹靂

孔六帖曰唐玄宗欲廢皇后王氏后兄守之懼為求厭勝浮屠明悟教祭北斗取霹靂木刻天地文及帝諱佩

佩韋弦

范丹字史雲董安于性緩佩弦以自急西門豹性急佩韋以自緩范亦以狷急佩韋

以自

佩安危

李晟傳曰身佩安危

佩采瓊

尚書舊傳曰淑妃修媛修華修容健

好佩采瓊玉貴人佩于闐玉

垂蒼玉

韓愈詩曰帶垂蒼玉佩

佩聲隨

杜甫詩曰

劍佩聲隨

玉墀步

佩聲歸

王維詩曰佩聲歸到鳳池頭

蘇秦佩

蘇秦為從約長

井相六國歎曰使我有洛陽負郭田二頃吾豈能佩六國相印乎

酈生佩

漢王納酈食其之言

欲立六國後曰趣刻印先生因行佩之

原流景揚輝

曹植七啓曰佩則結綠懸黎寶之微

妙符彩昭爛流景揚輝

光潤清越

殷仲堪與湘王牋曰所致玉佩光潤清越可謂瓊琚也

解佩要之

曹植洛神賦曰願誠素以先達兮解玉佩以要之

解佩結言

楚辭

曰塩吾遊此春宮兮折瓊枝以繼佩及榮華之未落兮相下女之可詒吾令豐隆乘雲兮求宓妃之所在解佩

纓以結言兮吾令蹇修以為理

王粲識佩

韓虞決疑注曰漢末喪亂無玉佩王粲識舊佩始作

之今玉佩皆受法于粲也

石崇雕珮

王字年拾遺記曰石崇使羗風雕玉為倒龍之珮

增佩聲珊珊

杜甫贈鄭駙馬詩曰
時聞雜佩聲珊珊

佩玉將將

音鏘詩
曰將將

將將
玉將將

原佩服無斃

揖讓有聲

先王有制所以

比德 君子無故乃不去身

珮五

增賦唐胡運珮賦曰玉有環珮所以節威儀珪璋所以
應朝覲朝覲貴乎特達威儀在乎淑慎則珮之為用以
德聞珮之為服以禮進旣取堅以鎮密亦體柔以溫潤
其彩烟明涵黼黻之華其聲清越諧金石之韻豈止法

先王之服戒乎大夫抑以觀古人之象原之帝舜由是
表尊卑之飾彰朝覲之美佩山玄而抱水蒼搖搖兮耿
光左宮羽而右徵角鏘鏘兮垂委非徒抑其進退亦以
制其容止珎韞相煥品命不渝貫以桃花之綬錯以明
月之珠時也朝北極歷天衢明玉殿耀金鋪徽音生于
矩步繁響起于風趨濟翼為君臣之榮觀逶迤乃賢指
之令圖亦何必褰修蘭于長坂折瓊枝于遠區然後為
美乎別有楚臺神媛越國名姝嬌羅艷縠秀色鮮膚振

鳴玉以亮響踐瑤階以跼蹐聲珊珊兮若有無睇綿綿兮意愉愉翩躚躚兮望坐隅欲從君子禮之拘乃歌曰
佩玉蕊兮德音發中規矩兮聲不歇馳畋獵兮思敬慎
壽考不忘兮長歲月端法服兮臨魏闕羣后覲兮萬方
謁 麻不期佩賦曰夫聖人彰德以建物表意以與名
禮容孔備制度昭明衣冠振序簪紱齊榮亦茲佩之為
用隨劒履而揚聲觀其所興爰自古昔玉華旣重于周
后螭珠亦珍于漢辟蓋將以威儀節度知無不易豈徒

矜珠玉之芳聲喧步頓之前跡懿其符彩照燭流曜輝
光宮徵合韻左右鏗鏘此亦邦國之儀範為衣裳之典
章于是垂為臣倚為主式標上下動合規矩亦非獨洛
妃解贈于陳思漢女見投于交甫爾其幽人所重君子
攸資則蘭蕊馳馨于楚客象環騰譽于宣尼斯偶物昇
榮助荷衣之葱翠因時適用陪藻服之歲蕤既而天子
會朝臣御華闕冠蓋雲發公侯進退而為容卿士俛仰
而趨謁茲珮也幸朝儀不棄流響未歇旣連帶于虹蜺

庶傳名于日月

銜牙賦

闕名

佩必有節牙惟應聲旣熠

熠以光動始鏘鏘而韻清馳聲曲折之間突爾乃激方
隨步武之際跳然若驚嘉其琢自良工飾于君子其靜
聞而中矩每徐轉而知止乍旁達以散遷忽高飄而間
起比于德寧無故以去身習乎容諒和鳴而入耳是知
宮徵交應周旋必聞助清音而靡絕混真質以纔分將
觀其禮朝于君假抑揚而有耀俟動靜以成文故乃藉
此相攻彰夫必佩宵爾同聲服而非礙顧規模之可則

宛在其中聽寥亮之無差不離于內則知俯仰寧阻進
退皆由引異響而非往配禮容而必周虛徐互振寂寞
相求洞晨照而彌徹驚微風而更幽原夫製彼奇形韻
茲良玉雖杳杳以將盡竟遲遲而潛續澹以成章靜而
應曲重輕莫雜恒宛轉而下垂左右皆調每玲瓏而中
觸由是孤光屢進片影彌輕駐幽音而乍默佩逸勢而
俄成方將應組綬厠瑤瓊應疾徐而洞徹順激射以鏘
鳴故其悄以分音玲然自我當待扣而逾寂匪輕搖而

孰可豈不以佩服紛綸威儀衆夥徵衡牙之微旨然後
知古禮之不墮 裴度古君子佩玉賦伊君子兮何師
邈淳古而繹思儼然有章相威儀于樂只溫其如玉故
切磋而佩之鎮密是比貞明所資追琢斯成旣殊張氏
之印清美可羨寧匹孔侯之龜是用濯自丹水取諸玄
圃君求美質我則表溫潤于光容臣聽好音我則動淒
清于步武結以紳帶綴以環組使感之者在約而思純
服之者居今而行古豈比夫詩人無文贈雜佩兮夫君

騷人著美紉幽蘭兮之子是以嘉其抱素貴以合真想
見白虹之氣思聞清越之聲發凝輝兮旣昭我述鏘雅
韻兮必俟君行是以敬慎侯度獨高人情至若斲以為
壺徒玩其質執而為璧徒旌其秩豈若用之有方垂之
無必威儀棣棣居則粲然之光進退瑒瑒動則泠然之
律是以古之君子物有其章溫恭可象環珮其鏘旣覩
容而生敬諒播往以傳芳然則貞玉之質非賢無以服
用昔賢之佩非玉無以表彰故佩斯敬覩斯莊方今野

無遺賢山不藏玉彼華佩兮同昔時以入用彼君子兮
思古人以自勗故能振休風播淳俗則今日之佩玉昔
賢之高躅者也

原銘後漢崔瑗遺葛龔珮銘曰禹湯罪已仲尼多誨盤
盂有銘几杖有誠天為剛德猶不干時君子妄怒厥亦
生灾晉厲好虐樂書作亂荀瑶峻戾韓魏致難慷慨憤
激動腸傷氣久生百疾歷年不遂俯覽斯佩柔韋是貴
原啓齊褚彥回謝賜珮啓曰傳詔宣敕賜臣玉佩一具

製懋姬羸寶冠荆越璇瑰鎮曜珩玦凝華采賁蓬楹響
聞繩戶佩服載驚心容交惕 梁簡文帝謝敕賜玉佩
啓曰昉田麗彩槐水鏤文飾以金闕之珠製以魯班之
巧故以裾端照色影外生光恩發內府猥垂霑賜臣方
溫謝德比振慙聲

玦一

增說文曰玦玉珮也珮如環而有缺故云玦也 原隨
巢子曰召人以環絕人以玦 增晉書曰自公主封君

以上皆帶綬以綵組為緄帶金辟邪首為帶玦

玦二

原瑞應圖曰舜時西王母獻白環及玦 左傳曰狄人伐衛將戰衛懿公與石祁子玦與甯莊子矢使守曰子以此賛國擇利而為之 漢紀曰項羽與沛公飲鴻門范增數目羽舉所佩玉玦示之者三羽默然 增西京雜記曰趙飛燕為皇后女弟昭儀遺玉珊瑚玦 後漢書曰更始謀殺光武兄伯升乃會諸侯以成其計繡衣

御史申徒建隨獻玉玦更始竟不能殺 續漢書曰桓

帝永興二年光祿勳史舍壁下有青氣視之得玉鉤玦

各一 原漢末傳云先主既取成都大會作樂乃取劉

璋所藏金玉寶玦以賜功臣 魏畧曰太祖征漢中太

子在盟津聞鍾繇有玉玦使臨淄侯因人說之繇即送

焉 增魏氏春秋曰明帝時張掖郡金山元川溢涌寶

石負圖有玉匣開蓋上有玉玦二璜一 孟達與諸葛

亮書曰今送綸帽玉玦各一以徵意焉 蕭子顯齊書

曰太祖在淮陰治城得錫玦下有篆字人莫識紀僧真曰何須辨文此自久遠之物即九錫之徵也太祖曰卿勿妄言北齊書曰樂陵王百年被召自知不免割帶玦與妃斛律氏武成果斬之妃把玦哀號月餘亦死玦猶在手拳不可開時年十四杜陽編曰唐文宗宮中有黃金蛇出階光灼宮人以珊瑚玦擲之并玦而帶去上尋庫得真金蛇貫玦上曰此隋煬帝為晉王賜陳夫人者熟視下有阿麼字

玦三

原佩金 賜玉

左傳曰晉太子申生帥師晉侯佩之金玦狐突曰金寒玦離胡可恃也罕夷曰

金玦不復雖復何為君有心矣東觀漢記曰明帝詔曰馮魴以忠孝典兵出入八年數進忠言正諫其還故

爵為楊邑侯

賜以玉玦

決嫌疑

決狐疑

白虎通曰凡能決嫌疑者即佩玦故見所

佩玦即知其所能王隱晉書曰禮能使決疑者佩玦故遺其臣亦授之以玦晉受命有二玦其一當魏歷數既終當禪大晉故與之玦凡受命居天子之位皆衆人之所疑以武皇帝能斷決狐疑應天順人受曹氏禪而無疑得應佩玦故以賜焉是以有二玦

玦四

增清玉

杜甫詩曰清玉刻佩連玦環

珊瑚

又曰腰間寶玦青珊瑚

捐玦

讓太

尉表曰旣望汨以懷沙甘赴湘而捐玦又楚辭曰捐余玦兮江中

似玦

韋應物詩曰荆山之白玉

結恩在環中尋不絕人情厚薄苦須臾昔似連環今似玦
兮良工雕琢雙環連月蝕中央鏡心穿故人贈妾初相

思帝鄉

劉禹錫賦曰侯環玦兮思帝鄉

視徘徊

視環玦以徘徊空嗟白首

紫玉玦

蘇軾詩曰空煩赤泥印遠選紫玉玦茶也

烏玉玦

又曰遠致烏玉玦墨也

原佩玦而斷

莊子曰綬佩玦者事至而斷

與玦即去

大夫得罪待放于郊公與

之環即還與之玦即去又曰逐臣賜環則反賜玦則絕

玦五

原賦魏文帝玉玦賦曰有崑山之妙璞產層城之峻崖
漱丹水之炎波蔭瑤樹之玄枝包黃中之純氣抱虛靜
而無為應九德之淑懿體五材之表儀

原書魏文帝與鍾繇書曰南陽宋惠叔稱君侯昔有美
玦聞之驚喜笑與抃會當自白書恐傳言未審是以令
舍弟子建因荀仲茂時從容喻鄙旨乃不忽遺鄴騎既
到寶玦初至捧匣跪發五內震駭繩窮匣開爛然滿目
猥以蒙鄙之姿得觀希世之寶不須一介之使不損連

城之價既有秦昭章臺之觀而無蘭生詭奪之誑嘉貺
益腴敢不欽承

環一

增說文曰好倍肉謂之瑗肉好若一謂之環 莊子內
篇曰彼是莫得其偶謂之道樞樞得其環中以應無窮
毛傳曰后妃羣妾以禮御于君所女史書其日月授
之環以進退之生子月辰以金環退之當御者以銀環
進之著于左手既御著于右手 白虎通曰修道無窮

卽佩環也 晉左思蜀都賦曰其中則有青珠黃環

環二

增王子年拾遺記曰顓頊時北海之濱有勒題國皆衣
毛無翼而飛帝乃更衣以文豹為飾獻墨環色如淳漆
左傳曰穆叔之子仲壬與公御萊書觀于公公與之
環使豎牛入示之入不示出命佩之 原春秋後語曰
秦始皇聞齊王后賢嘗使遺之連環曰齊人多知能解
此乎后以羣臣莫能解乃引椎破之謝秦使曰謹以解

矣以報始皇壯其志益不敢謀齊 增西京雜記曰戚

姬以百鍊金為彊環照見指骨上惡之以賜侍兒鳴玉

耀光等各四枚 又曰趙飛燕為皇后其女弟合德上

五色文玉環 宋書曰江夏王義恭孝武即位以在藩

所服玉環大綬賜之 梁書曰柳惔武帝之鎮襄陽惔

祖道帝解玉環賜之天監二年元會帝謂曰卿佩玉環

是新亭所贈邪對曰旣瑞感神衷臣謹服之無數 唐

史高力士幼失母及貴得之嶺南母曰甯有七黑子在

否力士袒示之母出金環曰兒所服者乃相持慟哭

環三

原反絕

解連

荀子曰聘人以珪問士以璧召人以瑗絕人以玦反絕以環下詳環二

必佩

當還

列女傳曰后妃進退必鳴玉佩環樂府曰何當大刀頭注刀頭有環問何時當還

也

王母獻

叔子探

瑞應圖曰黃帝時西王母乘白鹿來獻白環

及益地圖

羊祜五歲令乳母取所弄金環母曰汝無此祐即詣鄰人李氏東垣桑木中探得之主人驚曰此

吾亡兒所失物也

環四

原象環

禮孔子去魯佩象環五寸注象牙有文理言似已有文章也五寸法五行環者取其循環似已

德之無

玉環

左傳曰晉韓宣子有玉環其一在鄭商宣子謁諸鄭伯子產弗與

增

窮也

佩環

經解曰行則有佩環之聲

賜環

黃庭堅詩曰黃州逐客未賜環

原重環

詩曰

盧重環以

增三環

地理志曰有妓嫗號汴州婆有數妓每名飲與以三環

綫

環帶犬也

環

食貨志曰唐高祖入長安民間行綫環錢輕小凡八九萬才滿半斛綫與綫同

紕環

顏竣傳宋

泰始中通私鑄而錢大壞一貫長三寸謂之紕環錢入水不沉

阿環

上元夫人

玉環

楊貴

妃小

瘠環

齊侍人

瑤環

韓愈馬君墓誌曰瑤環瑜珥稱其家兒也

原雀

銜環

後漢楊寶七歲行于華山見一黃雀被傷為螻蟻所侵寶見之而憐因將歸置箱中采黃蕊飼之經

旬瘡愈旦來暮去忽一朝變為黃衣少年銜玉環一
雙來報寶曰好掌此環子孫累代為三公果如其言

增猿獻環

孫恪妻素氏偕至端州峽山寺持碧玉環獻老僧化為猿去

海九環

廣博

物志曰中國者天下八十分之一有海環之者九謂之九環

月半環

韓渥詩曰月若半環雲若

土

華胥環

瑯嬛記曰季女贈賢夫以瑪瑙宛轉環丹山白水宛然在焉握之而寢則夢入其中

始入甚小漸進漸大有名山大川之勝異木奇禽宮室璀璨心有所思隨念輒見因名曰華胥寶環

玉

指環

雲溪友議曰韋臯遊江夏與青衣玉簫有情約七年再會留玉指環逾八年不至玉簫絕食而沒後

得一歌姬真如玉簫中指有肉隱出如玉環

環五

增賦唐錢起象環賦曰聖有制作人具爾瞻是環也用
之撝謙成乎其規故有典有則全乎其素故匪雕匪刻
動法天旋溫如玉色可以觀象見意可以取文昭德終
日佩之其儀不忒懿夫員通既固雅麗且殊皓質中澈
騰光外敷守其明也處暗室而不昧偕其道也映素服
而如無鄙南容之珪貞而猶玷嗤卞氏之璧瑾而不瑜
升諸組綬不亦宜乎或有黃雀酬恩鄭商所利其名則
一其宜則異皆浮俗之所珍乃老氏之遐棄寧若斯為

美也將君子而比義文而不華垂之如墜循環無極參
日月之在躬佩服有常于韋弦而戒事固知宣尼之旨
有要有倫于此表禮創物乃將卑服謙身是以成形而
不受其彩散璞而不失其真瑩爾情性潔白惟純導爾
情性貞明日新捨之則禮容若缺用之則法度是循物
既合權古稱其善常虛心以隨運雖匪石而可轉覩妙
用之昭宣知前哲之舒卷 沈仲象環賦曰佩服之設
惟德是瞻夫子之服素而博夫子之德稱而廉式制象

以表諸儉豈無玉兮體乎謙謙而伊何服用有則捨寶
佩庶以彰其無位制象環實亦明其讓德匪玉兮匪金
是雕兮是刻取其焚身之齒奮其截肪之色磨而不磷
涅而不黑相彼玦矣謂其玦之有離制此環兮體其環
之不極因良工以表器奉聖人以聘國苟烱戒之斯存
曷威儀之有忒于是不師爾制爰始我謀錯落增色晶
明克殊寫金規于顧兔掩素彩之隋珠崇其五寸之範
輝彼十圍之軀貴其文兮我則文而能潔謂其曲也我

則曲而不踰既圓體以就滿亦虛中而應無服為身表
環為佩器若禮義之相須豈周旋之暫墜將以體象其
法理亦以循環乎志意雜章甫以為飾騰組綬以生輝
蔚禮經以留規掩水蒼之故事明夫素王立範象豈因
循必使動容有則箴規合倫得禮容之不選著盛德之
日新環之質兮取其終始罔極象之齒也取其堅白可
珍體夫子之歷聘周流似夫子之從時屈伸象環之制
兮其義不淺謙撝之旨兮因斯而闡道崇受物用能寬

而有容理貴適時體如丸而任轉忝明試以効拙敢獻賦而旌善

笏一

原笏手板也釋名曰笏忽也君有教命及所啓白則書其上備忽忘也或曰笏可以簿一物 禮記曰笏天子

以球玉諸侯以象大夫以魚須文竹士竹本象可也

球美

玉也文飾也大夫以近尊而屈故飾竹以魚須士以遠尊而伸故飾竹本以象

又曰天子搢

珽方正于天下也諸侯荼前詘後直讓于天子也大夫

前詘後詘無所不讓也 又曰凡有指畫于君前用笏

造受命于君前則書于笏笏畢用也因飾焉笏度二尺

有六寸其中博三寸其殺六分而去一

中廣三寸凡笏皆然諸侯從中

殺至上首止廣二寸半大夫又從中殺至下亦廣二寸半是六分三寸而去其一也

大戴禮曰

天子御珽諸侯御荼大夫服笏 增五經要義曰天子

之笏謂之珽然無所屈也 原三禮圖曰士笏飾以象

骨大夫飾以魚須

鰈魚髮

輿服雜事曰古者貴賤皆執

圭書君上之政令有事則搢之于腰帶中五代以來惟

八座尚書執笏者白筆綴手板頭以紫囊裹之其餘王公卿士但執手板板主于敬不執笏示非記事官也

增管子曰天子執玉笏以朝日 文獻通考曰珽天子

之笏長尺二寸方而不折以球玉為之笏度二尺有六寸中博三寸其殺六分去一晉宋以來謂之手板此乃不經今還謂之笏以法古名自西魏以降五品已上通用象牙六品以下兼用竹木 又曰開元八年敕諸笏三品已上前趾後直五品已上前趾後挫並用象牙九品

以上任用竹木上挫下方聽依品爵執笏假板官者亦依此例 常朝錄曰唐會昌以來宰相朝則有笏架入禁中逐門傳送至殿前朝罷則置于架上百僚則各有笏囊吏持之 宋史輿服志曰哲宗元祐元年禮部言元豐新禮皇帝祀天搢大圭其制圓首前詘于禮未合今欲倣西魏隋唐玉笏之制方而不折上下皆博三寸長尺二寸其厚以鎮圭為約從之 又通考曰宋大觀中詳定儀注所言者及羣臣助祭本無執玉帛羔雁之

義故雖冕服但當執笏玉藻曰見于天子與射無說笏入太廟說笏非古也說者以為太廟之中唯君當事說笏非是請羣臣冕助祭執笏當事則搢其陪位官亦合冕服執笏從之

笏二

增周書曰武王不閉外門以示無懼去劔搢笏以示無仇原穆天子傳曰天子大服冕褱帔帔帶搢笏夾佩奉璧南面立於寒下授河宗璧注帔韞也笏音笏搢猶帶也

夾佩左右兩佩 增後漢書曰陳蕃為光祿勳范滂為

主事以公儀詣蕃執板入閣至坐不奪滂投板振衣而

去郭泰責蕃曰以階級言滂宜有敬以類數推之至閣

宜省 江表傳曰漢獻帝嘗見郗慮及少府孔融問融

曰鴻豫何所優長融曰可與適道未可與權慮舉笏曰

融昔宰北海政散民流其權安在遂與融互相長短

原又曰孫權既即尊位會請百官歸功周瑜張昭舉笏

欲褒贊功德未及言權曰如張公之計今已乞食矣昭

大慙伏地流汗

增郡國志曰晉明帝為太子時嘗戲

殿前以玉手板弄銅蟠螭口手傾溜入螭腹中不能出
人後見一白鼠出入螭口 宋書曰庾道愍尤精相板

宋明帝時山陽王休祐屢以言語忤顏見道愍託以已
板為他物令道愍占之道愍曰此乃甚貴然使人多憎
忤祐以褚彥回詳密求換其板他日彥回侍明帝自稱
下官帝甚不悅祐具以言狀帝意乃解 又曰綦母珍
之在西州時有一手板相者云當貴每以此言動帝又

圖黃門郎帝嘗問之曰西州時手板何在珍之曰此是

黃門手板官何須問帝大笑 齊書曰豫章王嶷薨見

形于第後園乘腰輿指麾處分呼直兵直兵無手板左

右授一玉手板與之謂曰橘樹一株死可覓補之因出

後園閣直兵倒地仍失手板 宋書曰明帝起事諸方

並舉兵帝與蔡興宗言曰頃日人情言何事當濟否興

宗曰今米甚豐賤而人情更安以此籌之清蕩可必但

臣之所憂更在事後猶羊公言旣平之後方當勞聖慮

耳尚書褚彥回以手板築興宗不已上曰如卿言 又

曰建平王宏文帝子也元凶劼弑立孝武入討劼宏在
殿內自拔莫由孝武先嘗以一手板與宏宏遣左右親
信周法道賫手板詣孝武事平以為尚書左僕射 北
齊書曰爾朱榮既誅得其手板上有數牒啓皆左右去
留人名非其腹心在出限帝曰豎子若過今日便不可
制矣 又曰文襄疑文宣佯愚慮其有後變將陰圖之
以問崔暹暹曰嘗與二郎俱在行位試以手板拍其背

而不瞋乃將屏手板換遲竹者自揩拭而玩視之以是知其實癡不足慮也後帝鑱遲責其往昔打背遲自陳所對文襄之言以功求贖死帝悟曰我免禍乃遲之力釋而勞之唐書曰常達歸賊薛舉奴張貴曰識我否達瞑目曰若乃奴耳貴忿舉笏擊其面達不為懼又曰唐高宗欲立武昭儀褚遂良諫不從置笏殿階曰還陛下此笏乃解巾叩頭流血又曰宋璟告滿入朝公卿以次謁見張易之等後至促步而附璟舉笏却揖唯

唯 又曰張九齡體弱故事公卿皆搢笏于帶而後乘

馬九齡獨常使人持之因設為笏囊自九齡始 又曰

唐崔琳每歲時宴于家以一榻置笏重積其上 又曰

王播善口奏雖數十事未嘗書于笏 又曰朱泚召段

秀實議事源休姚令言皆在坐秀實戎服與休並語至

僭位勃然起執休腕奪其象笏而前唾泚面大罵曰狂

賊可磔萬段吾豈從汝反邪遂擊之泚舉臂捍笏中額

流血 又曰裴延齡方橫無敢忤者嘗與顧少連會田

鎬第酒酣少連捉笏曰段秀實以笏擊賊臣今我以笏
擊姦臣奮且前元友直在坐勸解之 又曰魏謩文帝

時為起居舍人上謂之曰卿家有何舊書詔對曰比多
失墜惟簪笏獨存令進之鄭覃曰在人不在笏上曰覃
不解我意此乃甘棠之義非在笏而已 又曰崔元亮

改諫議大夫鄭注誣宋申錫捕逮倉卒內外震駭元亮
率諫官叩延英苦諫反覆數百言文宗未諭元亮置笏
在陛俯伏流涕 又曰李絳面論吐突承璀用兵無功

合從顯責又言承璫于軍中立聖政碑事不可舉上初
怒色變絳語不已詞旨懇切因泣下上察其意乃大開
悟拜絳為中書舍人即命曳去所立碑曰微絳語吾不
知為損又面賜絳紫袍為擇笏以賜之因謂之曰爾他
時勿易此心 又曰初唐昭宗屢徵司空圖不起柳璨
以詔書徵之圖懼入見陽為衰野墜笏失儀璨復下詔
曰養高釣名匪夷匪惠難居公正之朝可放還山按璨
希賊臣意誅天下才望故圖無意于世 孔帖曰唐韋

貫之為長安丞或薦之京兆尹李實實舉笏示所記曰
此其姓名也素聞其賢願薦之而進于上 唐韋端符

衛公故物記曰三年冬端符于三原令座中揖其羣官
有客曰某丞李謂端符曰是衛公之胄也其家傳賜書
與他物服器十餘物訖讌端符即丞居為客謁丞延入
就次因請以觀丞慘然曰諾即奉賜書一函他物一器
出發眎有玉帶一公擒蕭銑時所賜于闐所獻素錦袍
鞞袴皆非華人所為象笏不類今笏火鏡椰杯等凡十

三物文皇賜書二十通多言征討事丞因請韋作衛公
故物記 南部新書曰陳希烈不便執笏騎馬以帛裹
令左右執之李右座見曰便為將來故事矣 五代史
曰唐明宗天成元年八月丁酉以象笏三十二賜百官
之無笏者 錢希白小說曰宋丘巇為兩浙進表開寶
末年廣州牙綱到吏私藏一牙巇易得之命工解笏得
五面其中三面甚大工曰此笏紅文光瑩頗殊常等有
一聶長史者年過八十獨善相笏召使相之既至命水

洗手取其大者向日視之曰此王侯笏也然生人不當
秉又舉次者曰宰相笏也又取第三者熟視之曰卿監
笏也亦可為節度使而非真其後不數日忠懿王急須
一大笏繼乃以第一面附歸蓋欲致之于武肅王祠中
備供養耳又月餘沈相公遣堂吏欲致新笏遂以次者
進于相第執之十餘年餘第三面繼以奉錢昭宴昭宴
後太平興國二年除衛尉卿知滑州皆如聶之言嗟乎
三笏同出異用物固不逃于數矣何聶老之術其妙如

此邪 又曰沈良除大理寺丞通判吉州借緋遂至鋪家買一笏次有一道士行乞至鋪見沈持笏乃曰貧道善相笏見沈笏曰此只是借緋笏耳官人爭得似賜緋賜紫笏遂自出一面授沈曰此笏借緋兼是吉州通判執得沈大驚延于靜室祈以向去之事道士笑曰但且赴任如獲罷後貧道方為官人別選一面朝官笏曰何時曰明年六月乃去不見明年六月良果卒于吉州章服品第只此可以知其前定矣

笏三

原記善

書思

仲長子曰笏以書君教令紀善刺過今之持板以象焉禮記曰將適公所史

進象笏書思對命

通理

耀握

相手板經曰相手板法出蕭何或曰四皓東方朔見之喜

曰非庸人所解用白直檀刺榆桑四材當令理通直從上至下直如弦不得出邊絕理劉義恭啓事曰聖恩

優重猥賜華纓玉笏珍冠飾首琛板耀握非臣朽薄所宜服受

增題詩

書字

唐王起兼

太常卿禮儀使帝題詩太子笏以賜之

宰相呂端問疾禁中見太子不在旁疑有變乃以笏書

大漸字令親密書慎密署謹密唐崔滌玄宗時嘗

吏趣太子入侍

書慎密

署謹密

朝夕宮掖出入無

間慮有所漏洩乃于滌笏上親書慎密二字以誠之

唐崔澄性滑稽善辨帝恐其漏洩禁中語以謹密二字

親署
笏端

原與孟岐

擊錢鳳

洞冥記曰孟岐清河之逸人也年可七百歲語及周

初時事如目前岐時侍周公升壇上岐以手摩成王之足周公以玉笏與之晉書曰溫嶠知王敦有異志欲

出外備之乃請為丹陽尹敦許之恐錢鳳說敦留已因錢會自起行酒至錢鳳佯醉以手板擊鳳幘墜作色曰

錢鳳何人溫太真行酒而不即飲由是鳳間遂不行

增傳三世

執百人

唐語

韓臯自黃門以來三世傳執一笏經祖父所執未嘗輕授于僕人之手歸則別置卧內一榻以示敬謹宋孝

穆拜太師替拜不名一門執象笏者百餘人

居安思危

偃武修文

唐裴晉公

以文皇敕起居郎書居安思危四字書于笏以為至戒周遷興服雜事曰應仲遠云昔荆軻逐秦王其後謁

者持匕首以備不虞從此侍官皆執刀劍漢高偃武修文始制以手板代馬

笏四

原黻珽

左傳曰衮冕黻珽注珽笏也

葵首

鄭注笏制曰天子杼上終葵首諸侯不終葵首

大夫士又杼其下首廣二寸半杼猶殺也

增簪筆

晉志

曰古者貴賤皆執笏笏者有事則書之故常簪筆今之白筆是其遺象三臺五省二品文官簪之王公侯伯子

男卿尹及武官不簪加內侍者乃簪之尚

修贄

胡氏曰古

者君臣所執五玉三帛二生一死皆以為贄而已笏則搢之用以記事不執之以為儀也宇文周乃不修贄而

執笏于是攝齊

橫奏

宋慶歷中知滄州楊偕召還令間日入對凡對必條數十事皆

默記于笏上令

原倒執

晉桓溫大陳兵衛將移晉室橫笏以奏之呼謝安王坦之欲于座害之

既見溫坦之汗流沾衣倒執手板安從容就席坐定謂
溫曰安聞天下有道守在四鄰明公何須壁後置人邪
溫笑曰正自
運笏 禮記曰侍坐于君子欠伸
說笏

又曰小功不說笏當事免則說之注
云悲哀之時不在記事 又詳笏一
增相笏 南唐新書
曰李參軍

善相笏休咎多驗呼為李相笏嘗
相陸遵笏云生子為評事果然
撿笏 又有龍復本
者無目凡有

象簡竹笏以手撿
之必知官祿年壽
賜世忠 紹興二年賜韓
世忠帶笏我坐
賜李綱

紹興六年江西制置大使李綱獻
太上皇帝所賜象簡詔還以賜綱
移南山 唐李賀詩
曰帝前動

笏移
南山
量西室 維摩居士西室以手板量
之得十笏故名方丈室
插手板 昨

有緣事馬
上插手板
袖手板 韓愈詩曰行袖
手板付丞相
原挂笏看山 王徽

之為桓沖參軍沖謂王曰卿在府日久比當相料理徽之初不荅直高視以手板拄頰云西山朝來致有爽氣

增執笏教歌

唐宋遜為連州參軍刺史聞其善歌使教婢日執笏簾外唱吟自如

原

執版交拜

吳志曰朱治領吳郡時權歷位上將及為吳王治每進見權常親迎執版交拜

斂

版正色

檀道鸞春秋曰桓玄嘗詣會稽王道子已醉對玄張眼曰桓賊長史謝重斂版正色曰公廢昏

立明功高社稷風塵之論宜絕聖聽

增以笏叩額

唐文宗與同平章事宋申錫謀誅宦官王

守澄鄭注等知之使人誣告申錫謀立漳王貶為開封司馬申錫望延英門以笏叩額還第

以笏

叩額

五代史曰何澤姦佞當班退獨留以笏叩額北望而頻呼曰真明主真明主

笏書遺

稿

唐魏徵薨帝臨朝歎曰朕比使人至徵家得書一紙乃半稿其可識者曰公卿之內情有愛憎憎者惟見

其惡愛者惟見其善愛憎之間所宜謹慎其大畧如此
朕自思不免斯過公卿大夫宜書于笏庶知過必改也

笏書奏事

宋余靖奉使入辭書所奏事于笏各用一字為目上顧見之問其所書者何靖以實

對上指其事一一問之盡而後已

揚笏謂楚客

唐王無競三遷監察御史又改殿中會朝

見宰相宗楚客楊再思離位偶語無競揚笏謂曰朝禮不敬

擁笏見直言

唐劉從諫悟子

也見賈直言輒衣紫擁笏以兵自衛直言諫悟曰郎少年毋使襲山東態朝服可常著者邪

以笏

陳勝負

五代史曰王彥章至京師入見上以笏畫地陳勝負趙巖等劾其不恭勒還第

以笏

擊僕隸

宋晏元獻公以笏擊死僕隸出守南京

賈隱林貌偉

唐德宗見賈隱林偉

其貌問家世荅曰故范陽節度使循臣從父也帝異之引至卧内隱林以手板畫地陳攻守之計

呂

用之術窮

六帖曰唐術士呂用之憚高駢恐術窮見詰乃刻青石手板為龍蛇隱起文曰帝賜高駢

使人潛擲几上駢得之大喜

笏五

增詩元趙孟頫題孔道輔擊蛇笏詩曰以笏擊蛇有孔
公義與段公擊賊同事之鉅細雖有異正氣憤激生于
中偉哉孔公聖人裔豈聽妖邪亂民志即今槐木一尺
強氣象凜凜含風霜子孫守之慎寶藏絕勝象牙堆滿
牀

增賦唐王子先笏賦曰昔者聖人之理天下也辨方位
垂衣裳制茲手板整乎維綱莫不明有德著才良法天
地體陰陽欲其表行見能則外文而內質取其前讓後
敬則上圓而下方笏之時義遠矣大矣蕭何列其深規
郭璞辨其微旨請原為用之本特申建造之始採文竹拔
象齒爰謀爰相載考載擬華琬功錯英明卓峙煥飛霞
綴流晷殊相逸發奇文秀起五岳備焉四瀆呈矣上及
君帝下及庶士或魚鬚而表其章或玉珽以申其美故

能朱紫不奪尊卑咸理懿夫植性端平文理中正間瓊
弁而雪白對華纓而冰淨出入必書俛仰惟敬其在宗
廟即搢而請享其在朝廷即端而受命豈不用捨隨時
物莫之令雖冠冕之貴黼黻之飾徒有備于朝儀孰與
茲而同德

原賛晉王升之笏賛曰慎為德要惟善用光敬上尊賢
貴不踰常用制斯器備對遺忘因事施禮升降有章
增銘唐孫樵笏銘曰靈豸薦角比干獻骨合以憤烈在

公為笏怒虎可唾笏不可挫太華可裂笏不可折拄天
不側指日不蝕標儀條臆起鯁開直

增表闕名氏謝賜象簡表曰御府分珍煥切磋之文采
使輶臨賜新指畫之威儀看山拄頰敢為晉士之清狂
上馬設囊豈有唐人之風度執以正容書以待命入趨
表著知文竹之非珍傳示子孫庶甘棠之不朽

烏一

增崔豹古今注曰烏以木置履下乾腊不畏泥溺也

方言曰履中有木者謂之複舄自關而東謂之複其上
單者謂之宛下謂之鞮 三禮圖曰複底曰舄單底曰
履又朝服謂之履祭服謂之舄燕服謂之屨 周禮曰
天官屨人掌王及后之服屨為赤舄黑舄赤纁黃纁青
句注云凡舄之內有屨屨外又加以舄王赤舄下有白
黑二舄后玄舄下有赤青二舄但言赤黑特言其尊者
耳纁者縫中之紃以赤絲黃絲為緣也句者屨頭之拘
謂之紃 輟耕錄曰按屨人注舄有三等赤舄白舄黑

烏也赤烏為上冕服之烏詩曰王錫韓侯玄衮赤烏則諸侯與王同矣所謂玄烏青烏王后祭服之烏也文獻通考曰梁天監之後諸王朝服有黑烏開國公侯伯子男助祭郊廟有赤烏唐六典曰凡王公第一品青烏宋史輿服志曰服通天冠絳紗袍則用黑烏以烏皮為之常服則用白烏以絲為之元史輿服志曰金攀龍口玳瑁襯釘烏一重底紅羅面白綾托裏如意頭銷金黃羅緣口玉鼻又飾以珍珠金

烏二

增列仙傳曰黃帝葬橋山山崩無尸唯劍烏存拾遺錄曰秦王子嬰寢于望夷宮夜夢有一人長丈餘鬚鬢絕青納玉烏而乘丹車告云天下當亂王乃殺趙高所夢則始皇之靈所著烏則安期所遺者

烏三

原複下

乾腊

鄭玄注曰複下曰烏名曰烏腊也行禮久立地或泥濕故複

下詳烏一又釋

其末下使其末下使

鳳文

增龍口

漢武內傳曰元封二年七月七日夜二更之後西王

乾腊也

母降于殿前履鳳
文鳥下詳鳥一

原金華

增革鞞

曹植七啟曰金華玄鳥動趾遺

光揚雄長楊賦曰革鞞
不穿服虔注曰鞞鳥也

上方賜

家廟藏

蘇軾詩曰上方

行賜尚書鳥又
曰家廟藏赤鳥

鳥四

原赤鳥

詩曰公孫碩膚赤鳥凡凡

玄鳥

三禮圖曰皇后輦衣玄鳥褕翟赤鳥鞠衣青履

玉鳥

列仙傳曰安期先生者瑯琊阜鄉人也賣藥于東海邊時人皆言千歲翁秦始皇東遊請見與語三

日三夜賜金壁度數千萬出于阜鄉亭皆置去留書以赤玉鳥一量為報曰後數年求我于蓬萊山始皇即遣

使者徐市盧生等數百人入海至蓬萊山輒逢風波而還立祠阜鄉亭海邊十數處又云嶺表菖蒲澗有菖

蒲一節九寸安期服之飛去遺下玉鳥

金鳥

詩曰赤芾金鳥會同有輝

縞鳥

說苑曰襄

成君始封之日衣翠衣履縞鳥

文鳥

陸續裳衣經曰冬服純青裘履文鳥

龍鳥

風土記曰

衣美爽之輕裘躡光華之龍鳥

豹鳥

左傳曰楚子次于乾谿以為之援雨雪王皮冠秦復陶翠被豹

鳥執鞭以出

革鳥

風俗通曰孝文身曳弋綈而履革鳥

鳬鳥

王喬為葉令有神術每月

朔望常自縣詣臺帝怪其來數而不見車騎密令太史伺望之言其臨至有雙鳬飛來舉羅張之但得雙鳥呈

上方識是四年所賜尚書履也

增露鳥

韓愈詩曰暄晨躡露鳥

隋鳥

明皇幸華清貴

妃兄錡國忠及三姊皆從別為一隊五家隊合爛若萬花國忠尊以劍南旗節遺劍隨鳥瑟瑟璣玕狼籍于道

香聞數十里

亂鳥

漢中常侍張讓子奉為太醫令與人飲酒輒掣引衣裳發露形體以為戲樂將

罷又亂其鳥
履無不顛倒

錯鳥

淳于髡曰州閭之會男女同席合樽促坐履鳥交錯

厚鳥

杜氏幽求曰袞衣博帶高冠厚鳥佩以珠璣結之纓綈

陵鳥

莊子曰鼃蠃之衣生于陵屯則為陵

鳥注陵鳥車前也言物因水成生于陵阜則化為車前無常形也

萬錢

衝波傳曰足屬萬錢之鳥

漂寫日光宛如遊龍

一隻

張安國詩曰泰階歷盡郎歸來赤鳥几几應一隻

鳥五

增詩宋蘇軾謝人惠方鳥詩曰胡鞞短勒格粗疎古雅無如此樣殊妙手不勞盤作鳳輕身只欲化為鳬魏風徧儉堪羞葛楚客豪華却笑珠擬學梁家名解脫便于

禪坐作跏趺

增賦唐錢起豹舄賦曰麗哉豹舄文彩彬彬豹則雕虎
齊價舄與君子同身故得飛聲入楚見賜留秦曩者何
為隱霧而不下今復何幸對雪而迎賓蓋因虞者之獲
成于匠者之手苟當時以為用雖殺身而何有于以履
之美且無度既居下以禦濕亦迎前而啓路花映香塵
先生玉步借使登朝廷列臺閣規矩不改會同自若投
其迹必陟駕騫之行取其文不改犬羊之羣詩人歌其

事春秋美其名捨則止用則行拂漢齊飛遙分鄴令之
術入朝曳響近雜尚書之聲彼糾糾葛屨珊珊珠履一
則固窮一則僭起制度首出憲章俱美嘗試談論其茲
烏而已士或覽之而言曰象以齒而焚龜以骨而斃况
之豹也憑巖穴以逞欲以爪牙而自衛而有用于人竟
以皮而戾一朝寢處成此新偉夫斑文散煥毳毛蒙密
映鶴氅以迎暉臨翠被以曜質于斯時也不可談悉亦
有刻意未參卑秩東郭之曳履長穿王生之結襪何日

思蔚然而一變歌豹舄以自畢 又賦曰豹可為兮鬱
矣其文材賈害兮用之楚君用之則那為舄几几雖工
興其飾亦天鍾厥美奢以則之衆目所視異哉惟雜爾
巧有詭其制也青葱掩其真赤纁慙其麗動容而彩射
金屋舉趾而聲傳玉砌諒服翫之惟奇知侈靡之無藝
微夫至理也匪威儀不忒匪古訓是則甚葛屨之失禮
同鷖冠之敗德何役智以宣驕乃自躬而刑國噫先王
立極念茲在茲服有常度行無越思何爾舄之豹飾雜

珠綺與文狸若昭其泰無乃簡彛是烏也君子歎之觀
乎異狀斑然周感霞起煥爾文質當其踐履知我者謂
我惡居下流不知我者謂我親承玉趾則知物有所歸
天之冥數惟豹作烏殺身思遇惜其有美而來亦以禦
寒之故雖雨雪而盈尺俾陽和而在步不然者寧踐于
斯路客有感而言其文也何麗其用也何薄當卑步武
之間徒異大羊之韞飾被已慙于翡翠為裘更羨于狐
貉別南山之霧以奉進趨同鄴縣之鳧願翔寥廓 謝

良輔豹舄賦曰惟茲舄兮稱珍受異質而彬彬其文也
合變于君子其用也見美于詩人伊昔大匠未知含章
可久栖止隱霧或羣或友且申威以肅殺寧畏險而挺
走豈知獻狀于獠者之身入用于屨人之手敏手既至
光華增媚兩美必合一朝成器信常功之嘉猷為盡飾
之美利苟賞善之在我甘殺身而不懟曲直裁成威儀
可覩若向也獸而今也舄諸侯所重楚子之翠被有光
王者攸宜周官之赤纁無數左之右之乍合乍離每唯

命以進退將有翼于威儀擇地而行豈慮泥塗之辱有
道則至尚懷文彩之奇故尚書之曳履聲則有音中郎
之倒屣義亦為美雖措足以同方豈能文而可紀則知
隨時應物順人合度克通夫莫往莫來實怪于規行矩
步滯阜鄉之自惜飛鄴縣之可慕願賓上國之堦墀冀
吾君之一顧夫材俟時而進用時須材以求索彼微獸
之有章亦飾躬而制作慕公孫之几几恥滑稽以文錯
幸參鷁鷁之行無雜犬羊之羣若然者則荷夫天衢之

亨對斯文而不忤

靴一

原釋名曰靴本戎服也趙武靈王所作常短鞞以黃皮為之後漸以長鞞軍戎通服增晉傳咸表曰涼州民先辨靴從軍之物然後作衣筆談曰北齊全用戎服長鞞靴文獻通考曰隋文帝聽朝之服有六合靴與貴臣同服朱子語錄曰隋煬帝出幸因令百官以戎服從一品紫次朱次青皐靴乃馬靴也後世循襲遂為

朝服 唐六典曰平巾幘之服武官及衛官烏皮靴

宋史輿服志曰宋初沿舊制朝履用靴政和更定禮制改鞮用履中興仍之乾道七年復改用靴以黑革為之大抵參用履制惟加勒焉其亦有絢纓純綦大夫以上具四飾朝請武功郎以下去纓從義宣教郎以下至將校技術官並去純底用麻再重革一重裏用素衲壇高八寸諸文武官通服之惟以四飾為別服綠者飾以綠服緋紫者飾亦如之倣古隨裳色之意 又通考曰宋

制天子之服有阜文靴大宴則服之 元史輿服志曰
紅羅靴制以紅羅為之高鞞 又曰雲頭靴制以皮幫
嵌雲朶頭作雲象鞞束于脛

靴二

增後魏書曰有人遺趙柔靴數百枚柔與子善明鬻之
于市有人從柔買柔索絹二十疋有商人知其賤與柔
三十疋善明欲取之柔曰與人交易一言便定豈可以
利動心也遂與之 唐史曰皇甫鎛詔出內帑所餘給

邊兵故繒陳綵觸手輒壞士怒焚之裴度奏聞鑄指所
著靴曰此內帑所出牢鞞可服帝信之又曰建中初
贈司徒沈易良之妻崔氏即太后之季父母也上見之
方屣而鞞

靴三

增加鞞 原織成

上詳靴一 魏武帝與楊彪書曰今遺足下織成花靴一緡又鄴中記

曰石虎皇后出女騎千人皆著五絲織成靴

擊吏

賜軍

後周王羅性急有吏挾私陳事

自取靴履擊之後周武帝平陳之役軍士有跣行者帝親脫靴賜之得其死力

增繫錢

用銅

鄭惜掌選賦汙有選人繫百錢于靴上曰當今之選非錢不行輟耕錄太府少監呵魯奏取黃金

三兩為御靴刺花用上曰不可因請易以銀而鍍金者上曰亦不可金銀首飾也今民間所用何物對曰用銅

上曰

原力士脫

竇軌遺

李白供奉翰林常侍玄宗醉使高力士脫靴力士恥

之摘其詩激楊貴妃帝欲官白輒為妃沮止唐朱桃

堆成都人隱居不仕浮游人間長史竇軌遺以鹿幘麕

靴委之地

增叔通加帶

馬周加羶

唐開元中裴叔通以羊皮為靴

不肯服

加以帶子裘束

事物紀原曰唐馬周以麻為靴殺其

鞫加以靴羶故事不許著入殿省至是加飾乃許也

原毛寶血滿

增韋斌雪沒

王隱晉書曰溫嶠討蘇峻參軍毛寶為箭所傷

貫股徹鞍及歸營使人拔箭血流滿靴唐韋斌每朝會不敢離立笑言會大雪在庭者皆振裾更立斌獨不

徒足雪甚
幾至沒靴

靴四

原繡靴

慕容晃與顧和書曰今致足下繡靴一緡增
宋范成大詩曰繡靴畫鼓留花住剩舞春風小

丹昇

增錦靴

唐李白詩曰青
黛蛾眉紅錦靴

石靴

酉陽雜俎曰于闐
國剎利市有石靴

銀靴

南唐近事曰玄宗幼學之年馮權常給使左右
上深所親幸每曰我富貴之日為爾置銀靴焉

保大初命親王及東宮舊僚擊鞠歡極頒賚
有等語及前事即日賜銀三十斤以代銀靴

原作靴

北齊書曰鄭太妃初與神武避葛
榮同走并州貧困燃馬屑自作靴

賣靴

列仙傳曰文
賓太丘人也

賣靴
為業

虎皮靴

梁蕭琛著虎皮靴策桃枝
杖直造王儉與語大悅之

增烏紋靴

黃庭堅謝惠墨詩曰
麝煤漆澤烏紋靴

出門厭

又曰出門
厭靴襪

泥土滿
蘇軾

詩曰泥土
滿靴履

賜進士

宋太平興國二年賜新及
第進士諸科綠袍靴笏

賜遺

逸宋祥符四年以河中遺逸劉選為評
事賜綠袍靴笏銀帶束帛及五言詩

原換婦人靴

北齊書曰任城王潛為并州刺史有婦人臨汾水浣衣
有乘馬人換其新靴而去婦人持故靴詣州言之潛召
城外諸嫗以靴示之給曰有乘馬人于路被賊劫害遺
此靴馬得無親屬乎一嫗撫膺哭曰兒昨著此靴向妻
家如其語捕獲

增抱刺史靴

唐崔戎為華州刺史遷
東海沂密觀察使民擁

一時稱明察

留于道不得前乃休傳舍
至抱持其靴戎夜亡去

辟支佛靴

酉陽雜俎曰于
闐國贊摩寺有

辟支佛靴非皮
非絳歲久不爛

藍采和靴


藍采和一腳
靴一脚跣

御定淵鑑類函卷三百七十二

謹案第十三頁後六行周旋必聞刊本旋訛施據
賦彙改

第十九頁後四行好倍肉謂之瑗刊本倍肉訛佩
玉瑗訛環據說文改





總校官庶吉士臣張能照

校對官檢討臣王福清

謄錄監生臣吳魯

欽定四庫全書叢要

子部

御定淵鑑類函卷三百七十三

詳校官兵部主事臣雷純

欽定四庫全書薈要卷一萬一千八百二十一

子部

御定淵鑑類函卷三百七十三

服飾部四

巾
衣服

帽

綸巾

巾一

釋名曰巾謹也二十成人士冠庶人巾當自謹修四

教也

增詩曰縞衣綦巾聊樂我負

晉束皙近遊賦

曰老公帶合歡之帽少年著叢角之巾

六朝詩曰惆

悵惜荷巾

又曰晨起整巾帶

後周書曰宣政元年

初服常冠以皂紗為之加簪而不施纓其制若今之折角巾也 文獻通考曰隋文帝聽朝之服有折上巾與

貴臣同服 又曰隋制文臣有平頭小樣巾 金史輿

服志曰巾之制以皂羅若紗為之上結方頂折垂於後頂之下際兩角各綴方羅徑二寸許方羅之下各附帶長六七寸當橫額之上或為一縮襍積貴顯者於方頂循十字縫飾以珠其中必貫以大者謂之頂珠帶旁各絡珠結綬長半帶垂之海陵賜大興國者是也 元史

輿服志曰祭宣聖廟執事儒服有軟角唐巾

巾二

增後漢書曰光武徵鮑永永疑不至既知更始亡乃封
上將軍列侯印綬悉罷兵但幅巾與諸將詣河內

幅巾謂不

著冠但幅巾束首也

又曰鉅鹿張角自稱天師弟子數十萬人

始起兵皆著黃巾以相識別故世謂黃巾賊 原郭林

宗別傳曰林宗常行陳梁之間遇雨故其中一角露而
折二國名士著巾莫不折其角云作林宗巾其見儀則

如此 傅子曰漢末王公多委王服以幅巾為雅素紹

崔鈞之徒雖為將軍皆著縑巾太祖以天下未定擬古
皮弁裁縑帛以為之帙合簡易隨時之義以色別貴賤
可謂軍容非國容也 語林曰諸葛武侯與宣王在渭

濱將戰宣王戎衣蒞事使人視武侯乘素輿葛巾毛扇
指揮三軍各隨其進止宣王聞而歎曰可謂名士矣

增魏志曰諸葛亮出斜口司馬宣王拒之堅壁不與戰
亮致巾幘婦人之飾以怒宣王 原又曰華歆為豫章

太守孫策畧地江東歆知策善用兵乃幅巾迎策 博
物志曰魏文帝彈碁用手巾角有一書生又能低頭以
所冠葛巾角撇碁 晉羊祜與從弟護書曰年已朽老
既定邊事當角巾東路還歸鄉里 增益州護軍范通
謂王濬曰卿旋旆之日角巾私第口不言平吳之事王
渾能無愧乎 鄧粲晉書曰王敦欲伐甘卓遣使送大
刀巾 又曰謝萬字萬石簡文辟為從事中郎著白綸
巾鶴氅裘版而前帝與談移日 晉山簡本傳曰山簡

鎮襄陽優游卒歲唯酒是耽諸習氏荆土豪族有佳園池簡每出嬉遊多之池上置酒輒醉名之曰高陽池時有兒童歌曰山公出何許往至高陽池日夕倒載歸酩酊無所知時時能騎馬倒著白接羅舉鞭問葛彊何如并州兒彊家在并州簡愛將也陸翹鄴中記曰石虎

皇后出女騎一千為鹵簿冬月皆著紫衣中熟錦袴褶原沈約宋書曰陶潛在家郡將候潛值其酒熟取頭上葛巾漉酒還復著之增梁書曰武帝賜陶弘景以

鹿皮巾後屢加禮聘並不出 原又曰武帝與何點有
舊及踐阼手詔論舊賜以鹿皮巾等召之點以巾褐引
入華林園 增又曰賀德基少遊學都門積年不歸衣
資罄乏又恥服故弊盛冬只衣袂襦袴嘗于白馬寺前
逢一婦人容服甚盛呼德基入寺門脫白綸巾以贈之
仍謂曰君方為重器不久貧寒故以此相遺耳問姓名
不荅而去 劉憑事始曰隋大業十年左丞相牛弘下
議請著桐巾子以桐木為之內皆漆詔從之 唐書曰

賜供奉官及諸司長官則有羅巾圓頂巾子後遂不改
裴冕自制巾子工甚人爭效之號僕射巾 又曰張易

之兄同休嘗請王公大臣宴于司禮寺因謂御史大夫
楊再思曰公面似高麗請作高麗舞再思欣然剪紙自
帖其中反紫袍遂作之 又曰周武后擅政多賜羣臣
巾子繡袍勒以回文之銘皆無法度不足紀至中宗又
賜百官英王踣樣巾帝在藩時冠也 孔帖曰武攸暨
安樂公主出降遣通事舍人李邈以璽書邀之詔見曰

山帔葛巾不名不拜 又曰唐文宗性儉素不喜華侈
駙馬韋處仁戴夾羅巾帝謂之曰慕卿門第清素以之
選尚如此巾服從他戚為之惟卿非所宜也 又曰李
愿節度鳳翔用婚家寶綏典帳中兵驕驚急沓衙將李
臣則等因衆怨忿夜斬綏首愿聞變不及巾與左右數
人縋而逸 秦再思紀異曰昭宗播遷于鳳翔朱梁率
諸道甲馬奉迎車駕時候王將帥在岐下者皆以珠一
顆盤幘頭脚貫以銀線而簪之又軍人咸以珠飾巾競

相誇尚洎朱梁篡立乃知珠已居人上者久矣 酉陽
器奇曰皇甫元真于新羅得一辟塵巾持與高瑀乞田
知性命翌日試于郭外時久旱塵埃且甚高顧視馬尾
鬣及左右騶從並無纖塵執之體覺虛涼

巾三

原承露 遇雨

方言曰兩複結謂之幘巾或謂之承露巾或謂之覆髮巾 下詳巾二

穿頂 折角

東晉近遊賦曰帶穿頂之疎巾 下詳巾二 又張文潛詩曰盡戴林宗折角巾

增烏角

白氎

杜詩曰錦里先生烏角巾又蘇軾詩曰二老白接羅兩郎烏角巾 高昌

國有草名白氎。顯其花可以為布為巾。
杜甫詩曰：細軟青絲履，光明白氎巾。

戴方裏尖

李白詩曰：首戴方頭巾。
五代蜀王衍好裏尖巾，其狀如錐。

鹿胎

白鷺

唐上官昭容詩

日橫披豹皮褥，倒戴鹿胎巾。
黃庭堅詩曰：爛醉從歌白鷺巾。

蓮花

仙桃

李白詩曰：吳江

女道士頭戴蓮花巾。
程伊川所戴紗巾，背後望之如鐘形，其製乃似今道士謂之仙桃巾者。又明道伊川衫

則大袖巾，則濶幅元祐間人皆效之。

巾四

原絳巾

東觀漢記曰：耿純字伯山，率宗族賓客二千餘人皆衣縑襜褕絳衣絳巾，奉迎世祖，拜純為前

將軍封耿鄉侯。

白巾

漢書曰：朱博遷瑯琊太守，齊部舒緩養名博新視事，右曹掾史皆移病卧，博問

其故出教皆斥罷諸

病吏白巾走出府門

巾乃起

于漢末

青巾

邵氏聞見錄曰宋太祖微時過涇州長武鎮寺僧守嚴者異其骨相密使畫工

圖于寺壁青巾褐袍

及貴遂易以冠服

漁巾

高九萬詩曰丘園有漁巾

綸巾

詳巾二又

蘇軾詩曰一簪華髮岸綸巾

醉巾

蘇軾詩曰風回落醉巾又宋吳文英

詞曰待明朝

岸巾

曾鞏詩曰噴然岸巾幘

濫巾

北山移文曰濫巾北岳

醉巾重岸

葛巾

文獻通考傳授經曰老子去周左慈在魏並葛巾單褰不著褐又杜甫詩曰呼兒正葛巾

珠巾

通考曰宋嚴鼓服飾茶酒班十人內紅拂扇二人御龍直執從物八十三人皆珠巾幘

巾

南唐書曰蕭儼歸葬廬陵幘巾素褰詣郡廳設拜敬守桑梓

鞞巾

列子曰北國之人鞞巾而

表

燕巾

輟耕錄曰按儀禮士冠庶人巾則古者士以上有冠無巾幘惟庶人戴之秦謂民為黔首

漢謂僕隸為蒼頭漢書謂卑賤者所服此其證也後世通謂之燕巾

阜巾

尚書大傳曰虞舜象刑犯

墨者

冒絮

漢書曰太后以冒絮提文帝注云巴蜀異志謂頭上巾為冒絮

華陽

樓

記曰戴華陽巾手執周易一卷

烏巾

杜甫詩曰頭戴小烏巾

金巾

黃庭經曰中有真人

巾金巾負甲持符開七門

鼠耳

劉言史詩曰鹿袖青藜鼠耳巾

虎文

皮日休詩曰虎文巾

在絳霄房

四帶巾

金史輿服志曰金人常服有四帶巾

十襲巾

宋文同詩曰遂剪十

襲巾加以重篋盛

一字巾

雜志曰一字巾謂之岸幘

五柳巾

宋程俱詩曰漉酒空

峩五柳巾

向鏡理

梁簡文帝詩曰向鏡理紈巾

借樣裁

陸龜蒙詩曰借樣裁巾怕

索語兒巾

元稹詩曰俗重語兒巾

蹋鴟巾

范成大詩曰一生心愧蹋鴟巾

竹皮巾

王維詩曰俱簔竹皮巾

紫領巾

范成大詩曰田間紫領巾

幅巾渡

河

三國志曰袁紹幅巾渡河

角巾徑還

晉書曰庾亮有東下意王導曰若其欲來吾角巾徑

還烏衣

原幅巾而居

東觀漢記曰昔更始以鮑永行大將軍更始沒永與馮欽共罷兵幅

巾而居後

飾巾待終

後漢陳寔傳曰大將軍何進司徒袁隗遣人敦寔欲持表以不

次之位寔乃謝使者曰寔久絕人事飾巾待終而已

鄭玄幅巾

鄭玄別傳曰大將軍何進禮待

甚優玄不受朝服惟服幅巾一宿而去

孔融禿巾

後漢書曰曹操既嫌忌孔融令丞相軍謀

祭酒路粹枉狀奏融云位為九列不遵朝儀禿巾微行唐突宮掖

取巾漉酒

詳巾二

增脫巾求糧

唐德宗貞元元年關中倉廩竭禁軍或自脫巾呼于道曰拘吾于軍而不給糧吾罪

人也上憂之甚會韓滉運米三萬斛至陝上喜謂太子曰米至吾父子得生矣

岸巾出門

唐

環傳曰帝怒岸巾出門側注云著巾露額曰岸

脫巾挂壁

李白詩曰脫巾挂石壁露頂灑松風

原蔡琰清辨曹操賜之

後漢列女傳曰陳留董祀妻者同郡蔡邕之女也名琰字

文姬博學有才辨又妙于音律適河東衛仲道夫亡無子興平中為胡騎所獲曹操素與蔡邕善痛其無嗣乃遣使者以金璧贖之而重嫁于祀祀為屯田都尉犯法當死文姬詣曹操請之蓬首徒行叩頭請罪音辭清辨旨甚酸哀操感其言乃遣原祀罪時旦寒賜以頭巾履襪

徐廣慷慨呂岱賜之

吳

白大司馬呂岱親近吳郡徐廣慷慨有才志岱知其可成賜巾襪與共言論

巾五

增詩宋蘇軾謝陳季常惠一楮巾詩曰夫子胸中萬斛
寬比巾何事小團團半升僅漉淵明酒二寸纔容子夏
冠好帶黃金雙得勝可憐白苧一生酸臂弓腰箭何時
去直上陰山取可汗 又謝人惠雲巾詩曰燕尾稱呼
理未便剪裁雲葉却天然無心只是青山物覆頂宜歸
紫府仙轉覺周家新樣俗未容陶令舊名傳鹿門佳士
勤相贈黑霧玄霜合比肩 元陳櫟再用易巾韻詩曰

隨處聊憑製漆紗豈其官樣必京華竹皮最古今苴履
椰子稱奇亦貯茶禿髮已知頭似筆笑顏底用面如靴
小冠子夏時方尚岌業青雲難自誇明于慎行上尚
巾禮成羣臣稱賀賜白金文綺詩曰負宸年來海岳安
春朝繡幘始成冠龍樓拂曙天顏近玉座垂旒日角寬
九廟神靈應已慰兩階環珮不勝歡邇臣幸奉青蒲對
珍賜還看出上闌

增啟周庾信謝滕王賚巾啓曰奉教垂賜鹿子巾一枚

解角新胎戴藤初朶落星交映連珠疎點盤龍之刀既
剪長命之縷仍縫翠羽懸推芙蓉高讓遊斯隱士足笑
鼓皮入彼春林方誇筍籜某蓬鬢鬆聽哀容耆朽三秋
不沐寔荷今恩十年一冠彌欣此賚謹啓

帽一

增釋名曰帽冒也故加于衆體之上 寶錄曰大帽野
老之服至後魏朝臣皆戴之江左時野人皆著帽後乃
高其屋 晉書曰帽名猶冠也義取于蒙覆其首其本

纚也古者冠無幘冠下有纚以繒為之後世施幘于冠
因或裁纚為帽自乘輿宴居下至庶人無爵者服之
程氏演繁露曰隋志宋齊之間天子宴私著白高帽士
庶以烏太子在上省則帽以烏紗在永福省則白紗
文獻通考曰宋制執儀仗者有錦帽 宋史制曰引夾
旗及執柯舒鐙仗者服帖金帽 遼史制曰小祀皇帝
硬帽 元史輿服志曰學士帽制如唐巾兩角如匙頭
下垂

帽二

增西京雜記曰東方生善嘯每曼聲長嘯輒塵落帽

又曰趙飛燕為皇后其弟在昭陽殿遺飛燕書曰令月

嘉辰貴姊懋膺大冊上遺金花紫綸帽以陳踴躍 原

魏畧曰夫餘國以金銀飾帽 增魏志曰孟達與諸葛

亮書云貢白綸帽一顏以示微意 吳書曰朱然破魏

將李典等軍斬首五百級得鼓車三乘拜然左大司馬

加賜御織成帽 原晉書曰王濛字仲祖美姿容居貧

帽敗自入肆買之。姬悅其貌，爭遺新帽。或云著破帽入市，市姬競遺新帽。晉孟嘉別傳曰：嘉為桓溫參軍，九月溫宴龍山寮，佐畢集。風吹嘉帽落，嘉不覺。溫使左右勿言。嘉良久如廁，溫令取還之。命孫盛作文嘲之。增陸翻鄴中記曰：石季龍出獵，著金縷織成合歡帽。原宋書曰：沈慶之隨宗慤伐沔北諸山蠻，大破之。慶之患頭風，好著狐皮帽，羣蠻惡之，號曰蒼頭公。又曰：何尚之在家常著鹿皮帽，及拜開府，沈慶之于殿前戲之曰：

尚之何不著鹿皮帽 增齊書曰徐龍駒常住含章殿

著黃綸帽被貂裘南面向案代帝書敕 又曰豫章王

疑妃庾氏常有病瘳上幸疑邸後堂設金石樂宮人畢
至登桐臺使疑著烏紗帽因極宴盡歡 原梁書曰到

既嘗夢武帝遍見諸子至湘東而脫帽與之于是密敬
事焉 增又曰初賀革之江陵也意甚不悅過別御史
中丞江革以情告之荅曰吾嘗夢主上遍見諸子唯至
湘東王手脫帽以與之此人後必當壁卿其行乎 又

曰桓崇祖為豫州刺史魏攻壽春崇祖著白紗帽肩輿
上城決水破之 原後魏書曰高昂轉司徒好著小帽
世因稱司徒帽 增又曰辛紹先有至性丁父憂三年
口不甘味頭不櫛沐髮遂落盡故常垂褰阜帽 原北
齊書曰齊制惟天子紗帽臣下絨帽特賜平秦王歸彥
紗帽以寵之 後周書曰獨孤信在泰州嘗因獵日暮
馳馬入城其帽微側詰旦吏人咸慕信而側帽焉 增
隋書曰後周之時著突騎帽凡小朝公宴咸許戴之

唐書曰張巡前驅將李滔救東平佯叛入賊或告巡曰晨出戰以碧帽為識視之如言盡覆其衆還曰我誘之也 又李晟本傳曰初李晟收京師每與朱泚戰必錦裘繡帽自表李懷光諫曰將務持重豈宜自表襮為賊餌哉晟曰昔在涇原士頗相畏欲令見之奪其心耳

唐書曰代宗禁阜衫壓耳帽以異官健 五代史曰唐明宗時吐蕃披虎皮以拜落其氊帽亂髮如蓬 又曰蜀王衍晚年俗競為小帽僅覆其頂俛首即墮謂之危

腦帽衍以為不祥禁之而衍好帶大帽 宋史曰王全斌伐蜀京師大雪太祖曰我被服如此尚覺寒冷况征蜀將士乎即解所服裘帽賜全斌全斌受之感泣 語錄曰宋仁宗時方以漆紗為帽 程伊川本傳曰伊川常服高帽簷劣半寸置繫條曰此野人之服也深衣紳帶青綠篆文

帽三

增青螺

金鵝

杜甫詩曰烏帽拂塵青螺栗帽之文也 宋史曰金吾押牙服金鵝帽

烏紗搖

蘇幕遮

晉輿服志曰成帝咸和中制尚書八座丞郎門下三省侍郎乘車白帽坻

幃出入掖門又二宮直官著烏紗搖注帽也當時士人往往皆著搖頂圓耳 揮塵前錄曰高昌國婦人戴油

帽謂之

硃硝置槿

硃光簪花

唐汝陽王璵戴硃硝帽打曲明皇自摘紅

蘇幕遮

槿置帽上帽極滑久而方安喚曰花奴仇池筆記曰

寇元弼嘗言徐州通判李珣有子七歲素不善詩忽咏

落花云流水難窮目斜陽易斷腸誰同硃光帽一曲舞

花香父驚問之荅曰西王母宴羣仙有舞者戴硃光帽

帽上簪花舞山香一曲未終花皆落去

鳳凰度橋

山鵲歸林

俱詳帽二

原王濛入市

孟嘉登山

俱詳帽二

帽四

增紗帽

杜甫詩曰管寧紗帽淨又盧仝詩曰

原練

帽

荊州記曰桓公遊于靈溪劉威公練帽以杖荷屐與桓語語畢負荷以去

增烏帽

杜甫詩曰

為客裁

白帽

癸辛雜識曰管寧白帽之說尚矣雖杜詩亦云白帽應須似管寧然幼安本傳

烏帽

止云常著阜帽又云著絮帽布衣而已初無白帽之事獨杜佑通典帽門載管寧在家常著帛帽豈以帛為白乎然宋齊之間天子燕私多著白高帽或以白紗今所畫梁武帝像亦然蓋當時國子生亦服白紗巾晉人著白接羅謝萬著白綸巾南齊桓崇祖白紗帽他如白恰白帽之類通為慶弔之服古樂府白紵歌云質如輕雲色如銀製以為袍餘作巾杜詩光明白氎巾當念著白帽采薇青雲端白樂天詩云青筇竹杖白紗巾然則古之所以不忌白者蓋喪服皆用麻重而斬齊輕而功總皆麻也惟以升數多寡精粗為異耳自麻之外繒縞固

不待言苧葛雖布屬亦皆吉服縞帶紵衣昔人猶以為贈則亦何忌之有漢高帝為義帝發喪兵皆縞素行師權制固不備禮後世人多忌諱喪服往往求殺今之薄俗蓋有以縞紵為總功者矣宜乎巾帽之不以白也

脫帽

杜甫詩曰脫帽露頂王公前

破帽

又曰蹇驢破帽隨金鞍

縠帽

唐寶

錄曰唐初以縠為帽以隔塵也

絹帽

宋蘇軾詩曰汝陽真人絹帽著紅槿

席帽

韋帽

炙轂子曰席帽本羌服以羊毛為之秦漢鞞以故席女人亦服之四緣垂綢子飾以珠翠謂之韋帽

原引四角

束皙近遊賦曰帽引四角之縫褰有三條之殺

脫翠帽

吳志曰陸遜破

曹休于石亭還上脫翠帽以賜遜

戴翠帽

張衡西京賦曰天子乃駕雕軫六駿駁戴翠帽倚金

較璫弁玉纓遺光條燭

增桐帽棕鞞

隱者所服

黃帽青鞞

唐詩曰黃帽青

鞵歸去來 又鄧通以濯船為黃頭
郎土勝水故刺船郎著黃帽濯同濯

帽五

原啓陳周弘正謝敕賚烏紗帽等啟曰雖復魏宣二端
豈能比今茲賜廣微四縫未足方其華飾既受非望之
恩方貽匪服之誚

綸巾

原白綸巾

晉紀曰王敦欲伐甘卓遣使送白綸巾與
卓卓不取 又唐六典曰襄州出白綸巾

紫綸巾

鄴中記曰石虎皇后出以女騎一千為鹵簿冬
日皆著紫綸巾 又六典曰常州出紫綸巾蘇

州出紅綸巾

綸巾乘車

漢書曰大將軍梁高歸第宴日著綸巾乘紫輜車

綸巾

繫頭

述異志曰李通卒有客往弔之李子方哭便進上廳事忽見通從閣中出以綸巾繫頭著袍有怒色

增鶴氅綸巾

晉謝萬著白綸巾披鶴氅裘

金粟綸巾

酉陽雜俎曰荊州有

術士合彩色于一器中欲水噀壁上成維摩問疾變相速半日餘色漸薄唯金粟綸巾鶯子衣上一花經兩日猶在

衣服一

原釋名曰凡服上曰衣衣依也人所依以芘寒暑也

增世本曰胡曹作衣黃帝臣也易曰以訟受服亦不

足敬也 詩曰碩人其頤衣錦褰衣 原又曰子有衣

裳弗曳弗婁 又曰縞衣茹蘆聊可與娛 又曰素衣

朱襮從子于沃 又曰蜉蝣之羽衣裳楚楚蜉蝣之翼

采采衣服蜉蝣掘閱麻衣如雪 增又曰青青子衿悠

悠我心 又曰緇衣之宜兮敝予又改為兮緇衣之好

兮敝予又改造兮緇衣之蓆兮敝予又改作兮 原又

曰豈曰無衣七兮不如子之衣安且吉兮豈曰無衣六

兮不如子之衣安且燠兮 又曰豈曰無衣與子同袍

豈曰無衣與子同裳豈曰無衣與子同澤 又曰薄汚

我私薄澣我衣 又曰心之憂兮如匪澣衣 又曰維

鵜在梁不濡其翼彼其之子不稱其服 又曰西人之

子粲粲衣服 又曰袞職有闕維仲山甫補之 增又

曰綠兮衣兮綠衣黃裳 原又曰衣錦尚褻 禮記曰

昔者先王未有火化食草木之實鳥獸之肉飲其血茹

其毛未有麻絲衣其羽皮 又曰問人之寒則衣之

又曰衣服不鬻于市 增又曰為人子者父母存冠衣

不純素孤子當室冠衣不純采 原又曰長民者衣服

不貳從容有常以齊其民則民德一 又曰衣服有別

又曰衣服異宜 又曰燕衣不踰祭服 增又曰君

子服其服則文以君子之容是故君子恥服其服而無
其容 又玉藻曰衣正色 又王制曰有虞氏深衣而

養老夏后氏燕衣而養老殷人縞衣而養老周人玄衣
而養老 又月令曰季夏之月命婦官染采以給郊廟

祭祀之服 原又曰裼襲禮之文也注衣服或裼或襲

之文以為禮也

周禮曰司徒以本俗六安萬民六曰

同衣服謂人雖富衣服不得獨異 增又曰司服掌王

之吉凶衣服辨其名物與其用事 原左傳曰衣身之

章也 又曰服之不衷身之灾也 論語曰衣前後

如也 又曰君子不以紺緹飾紅紫不以為褻服 又

曰春服既成 增爾雅曰衣梳謂之視黼領謂之褾緣

謂之純袂謂之縗衣皆謂之襟袂謂之裾衿謂之衽佩

衿謂之褱執衽謂之袪扱衽謂之頤衣蔽前謂之褻婦

人之褱謂之縹縹綬也裳削幅謂之縠 原墨子曰古
之人未知衣服之制故聖人作之冬則絹帛輕且溫夏
則絺綌清且涼所以適身體和肌膚也 增屈原漁父
曰新沐者必彈冠新浴者必振衣 鹽鐵論曰古者庶
人老耄而後衣絲其餘則麻枲而已 白虎通曰衣者
隱也裳者鄣也所以隱形自鄣蔽也 文中子曰衣裳
所以防其躁也 又曰聖人衣足以蓋形以禦風寒
古艷歌曰熒熒白兔東走西顧衣不如新人不如故

漢書曰齊國有三服官春獻冠幘縱為首服紩素為冬服輕綃為夏服 拾遺記曰漢武帝天漢三年渠搜國

之西有析淪國其俗淳和人壽三百歲有大壽木之林一樹千尋若經憩此木皆不死不病或有泛海繩山來會其國綴毛草為繩結網為衣如今之羅紩也至元狩六年獻網衣一襲帝焚于九達之道恐後人徵求此物故燒之烟如金石之氣 又曰負嶠山南有池移國人長三尺壽萬歲以茅為衣衣服皆長裾太袖因風以昇

烟霞若鳥用羽毛也 又曰禮敬國其俗人年三百歲

而織芳茅以為衣 又曰晉太始初頻斯國人來朝以

五色玉為衣如今之鎧 文獻通考曰舊袞服用織成

建武中齊明帝以織太重乃采畫為之如金飾銀薄時

亦謂天衣 又曰陳永定元年武帝即位徐陵曰垂輿

御服皆采梁制帝曰今天下初定務從節儉應用繡織

成者並可彩畫 又曰唐制九品以上則絳褙衣制如

絳公服而狹袖形直如褙不垂 又曰唐敬宗寶歷二

年閩東國貢舞女二人衣緝羅之衣無縫而成其文巧織人未之識焉 又曰宋太宗端拱二年敕非命婦不

得服泥金銷金眞珠褒綴衣服 又曰宋朝皇后之服

常服龍鳳珠翠霞帔 又曰宋大中祥符間禁民間服

皐班纈衣 宋史輿服志曰景德三年詔內諸司使以

下出入內庭不得服皐衣 又曰仁宗皇祐七年初皇

親與內臣所衣紫皆再入為黝色後士庶寢相效言者

以為奇袤之服于是禁天下衣黑紫服者 又通考曰

宋高宗中興以來文武臣初除正謝進士唱名賜襲衣章服及百官賜時服並遵用省記崇寧看詳祗候庫格技術官之服有紫緋綠 遼史志曰公服謂之展裏著紫 又曰臣僚便衣謂之盤裏 金史輿服志曰金人常服有盤領衣 又曰金人之常服其色多白三品以卑窄袖盤領縫腋下為襍積而不缺袴其胷臆肩袖或飾以金繡其從春水之服則多鶻捕鵝雜花卉之飾其從秋山之服則以熊鹿山林為文其長中胛取便于騎

也

衣服二

增魯語曰季文子相宣成無衣帛之妾無食粟之馬仲
孫它諫曰子為魯上卿妾不衣帛馬不食粟人其以子
為愛且不華國乎文子以告孟獻子獻子囚之七日自
是子服之妾衣不過七升之布文子聞之曰過而能改
者民之上也使為上大夫 晉語曰晉獻公使太子申
生伐東山衣之偏袷之衣佩之金玦僕人贊聞之曰太

子殆哉君賜之奇奇生怪怪生無常無常不立使之出

征先以觀之且是衣也狂夫阻之衣也

狂夫方相氏之士也阻古詛字

將服是衣必先詛之

墨子曰晉文公好士之惡衣故文公之臣

皆牂羊之裳韋以為帶

尹文子曰昔晉國苦奢文公

以儉矯之乃衣不重帛食不兼肉無幾時國人皆大布

之衣脫粟之飯

左傳曰衛文公大布之衣

又曰鄭

子產民歌之曰取我衣冠而褚之

注褚囊也

原韓子曰晏

子相齊妾不衣帛

增又曰楊朱之弟楊布衣素衣而

出天雨緇衣而反其狗吠之布怒將擊之朱曰使汝狗
白而往黑而來能不怪哉 莊子曰莊子衣大布之衣
而過魏王魏王曰何先生之憊邪莊子曰士有道德不
能行憊也衣敝履穿而貧者非憊也 原呂氏春秋曰
戎夷違齊如魯天大寒而後與門弟子一人宿于郭外
寒逾急謂其弟子曰子與我衣我活我與子衣子活我
國士也為天下惜死子不肖也不足愛子與我衣弟子
曰夫不肖之人安能與國士衣哉戎夷解衣與弟子夜

半而死弟子遂活 增春秋後語曰田文謂其父靖郭

君曰君後宮蹈綺縠之衣而士不得短褐 琴操曰思

革子石文子叔愆子三人為友聞楚王賢而好士俱往

見之至于空柳之下衣寒糧乏自度不得俱活二人俱

以思革子為賢併衣糧與之二子遂凍餓而死 淮南

子曰林類榮啟期衣若懸蓑 說苑曰齊林既者衣葦

朝景公景公曰何忽服小人衣邪林既曰衣狗裘者不

必狗吠服羊裘者不必羊鳴今君衣狐裘者能狐鳴乎

漢雜事曰高祖時大謁者臣章受詔長樂宮令羣臣
議天子所服以安天下謁者趙堯舉春李舜舉夏倪湯
舉秋貢禹舉冬四人各職一時制曰可舉者以各舉一
時之事白之五時衣始于此 漢書曰叔孫通降漢王

通儒服漢王憎之乃變其服服短衣楚製 史記曰漢

文帝衣弋綈所幸慎夫人衣不曳地 原漢書曰鄧通

以棹船為黃頭郎

施其黃髦于船頭因
以其名名郎曰黃頭

文帝夢上天不

能有一黃頭郎推之顧見其衣後穿覺而以夢中陰自

求推者郎見鄧通衣其後穿是夢中所見因而甚見幸
增又曰漢武帝末郡國賊盜羣起暴勝之為直指使
者衣繡衣持斧捕之 又曰雋不疑佩環玦褒衣博帶
服至門下謁暴勝之 淮南汜論曰伯余之初作衣也
綖麻索縷手經指挂其成猶網羅後世為之機杼 後
漢書曰更始時授官爵皆羣小賈豎膳夫庖人多著繡
而衣錦袴襜褕諸于罵詈道中時智者見之以為服之
不中身之灾也

諸于大掖衣也

又曰祭遵為人廉約家無私

財常衣韋袴寢布被夫人裳不加緣 又曰祭彤在遼

東幾三十年衣無兼副顯宗美其清約賜之衣被什物
無不悉備 又曰耿恭自疏勒還衣屨穿決形容枯槁

又曰東平憲王蒼侍肅宗饗衛士于南宮因從皇太
后周行掖庭池閱陰太后舊時器服愴然動容乃衆留
五時衣各一襲及常所御衣合五十篋餘悉分布諸王
及子孫在京師者各有差時賜蒼及瑯琊王京書曰間
饗衛士于南宮因閱視舊時衣物惟王孝友之德今送

光烈皇后假髻帛各一及衣一篋可時奉瞻以慰凱風
寒泉之思又欲令後生子孫得見先后衣服之製 謝

承後漢書曰袁忠乘船戴笠詣王朗見朗左右僮從皆
著青絳采衣非其奢麗即辭疾發而退 原魏書曰文

帝詔與朝臣曰三世長者知被服五世長者知飲食此
言被服飲食難曉也 又曰甄皇后生每寢家中人髣

髴見如有人持玉衣覆其上者 魏志曰文帝欲徙冀
州一十萬戶實河內侍中辛毗諫帝怒起入內毗隨而

引帝裾帝奮衣不迴良久帝乃出曰怪卿持我何太急
吳書曰顧悌每得父書灑掃正衣服拜跪而讀 王

隱晉書曰董威輦每得殘碎繒輒結以為衣號曰百結
增又曰高士郭文入山恒著鹿裘葛巾餘杭令顧颺
使致韋布衣不納 又曰江湛字徽深為吏部尚書家
貧不營財利餉饋盈門一無所受無兼衣餘食 又曰
謝超宗為義興太守昇明二年公事免詣東府門自通
其日風寒高帝謂四座曰此客至使人不衣自煖 齊

書曰高帝即位手詔賜張融衣曰見卿衣服粗故誠乃
素懷有本今送一通故衣意謂雖故乃勝新也是吾所
著已令裁減稱卿之體并履一量 又曰陶弘景永明
十年脫朝服挂神武門上表辭祿詔許之 又曰王思
遠立身簡潔諸客詣已者覘知衣服垢穢方便不前儀
形新楚乃與促膝及去後令二人交帚拂其坐處 又
曰王琨性儉約景和中討義陽王晷六軍戒嚴應須紫
服左右欲營辦琨曰元嘉初征謝晦有紫服在匣不須

更製檢取果得焉

梁書曰到溉性率儉不好聲色庭

室單牀旁無姬侍冠履十年一易朝服或至穿補 又

曰張嵎稷之子稷初為剡令至嵎亭生之因名嵎字四

山少敦孝行年三十餘猶斑衣受稷杖動至數百收淚

歡然 又曰何敬容為吏部尚書侍中領太子中庶子

敬容身長八尺白皙美鬚眉性矜莊衣冠鮮麗武帝雖

儉而左右衣必須潔嘗有侍臣衣帶卷摺帝怒曰卿衣

帶如繩欲何所縛敬容希旨故益鮮明常以膠清刷鬚

衣裳不整伏牀熨之或暑月背為之焦 又曰任昉為
義興太守友人彭城到溉弟洽從昉共為山澤遊及被
代登舟止有絹七疋米五石至都無衣鎮軍將軍沈約
遺裾衫迎之 又曰任昉有子東里西華南容北叟西
華冬月著葛帔練裙 後魏書曰樂浪王萬壽孫忠明
帝時位太常少卿孝武帝泛舟天泉池命宗室諸王陪
宴忠愚而無智性好衣服著紅羅襦繡作領碧衲袴錦
為緣帝謂曰朝廷衣冠應有常式何為著百戲衣忠曰

臣少所愛情存綺羅歌衣舞服是臣所願上曰人之無良至此乎 唐書曰肅宗性節儉嘗出衣袖示近臣曰

此衣已三浣矣 又曰和政公主代宗以主貧詔諸節

度餉億主一不取親紉綻裳衣諸子不敢服紈絺 又

曰盧懷慎服無文綺之飾 又曰陸贄帝親倚至解衣

衣之同類莫敢望 又曰宰相鄭餘慶不事華潔門下

客多垢衣敗服獨武儒衡上謁未嘗有所易 唐國史

補曰德宗幸金鑾院問學士鄭餘慶曰近日有衣作否

餘慶對曰無之乃賜百縑令作寒服 又曰韋太尉臯
在西川凡事設教軍士將吏婚嫁則以熟綵衣給其夫
氏以銀泥衣給其女氏 唐書曰蕭復傳常衣垢敝

又曰柳公權嘗與六學士對便殿帝稱漢文帝恭儉因
舉袂曰此三澣矣學士皆賀獨公權無言帝問之對曰
人主當進賢退不肖納諫諍明賞罰服澣濯之衣此小
節爾 又曰文宗朝淮南節度使李德裕奏比以婦人
長裾大袖朝廷制度尚未頒行微臣之分合副天心比

聞閭閻之間袖濶四尺今令闊一尺五寸裾曳四尺今曳五寸初延安公主以衣服踰制駙馬竇潏得罪德裕因而奏之 又曰李德裕在先朝嘗獻大明賦以諷二曰正服諷服御非法也 又曰漢陽公主文宗尤惡世流侈因主入問曰姑所服何年法也今之弊何代而然對曰妾自貞元時辭宮所服者皆當時賜未嘗敢變元和後數用兵悉出禁藏纖麗賞戰士由是散于人間外矜似以成風若陛下示所好于下誰敢不變帝悅詔

宮人視主衣製廣狹偏論諸主 又曰韋澳一日召入
屏左右問曰朕于敕使何如澳陳帝威制前世無比帝
揺首曰未也策安出澳倉卒荅曰若謀之外廷則太和
事可用追鑒不若就擇可任者與計事帝曰朕固行之
矣自黃至緑自緑至緋猶可衣紫即合為一矣 又曰
夏侯端壽春人王世充遣人以淮南郡公尚書少吏部
印綬召端解衣服以贈端曰我天子使寧汚賊官邪非
持首去不可見即焚書及衣 又曰張仲武范陽人子

直方時鄭畋輔政頗言仲武會昌中功第一今直方百口不自存每內宴以衣蔽惡辭不赴陛下錄功念舊宜少優假 又曰周智先是淮西李忠臣入朝次潼關

聞智先反率兵討之會敗忠臣因入華大掠自赤水至潼關畜產財物皆盡官吏至有衣紙自蔽累日不食者 又曰開成初李紳為河南尹河南多惡少或危帽散衣擊大毬于官道車馬不敢前紳治剛嚴皆望風遁去 又曰盧均玩服不為鮮明 又曰李貞素衣服甚鮮

明 又曰來子珣遷遊擊將軍常衣錦半臂自異 又
曰唐咸通末淮南李公游江舟子刺船誤為竹篙所賤
水濕近侍衣李公為之變色裴餘慶時佐幕適在坐遽
獻詩云半額鵝黃金縷衣翠翹浮動玉釵垂從教水濺
羅襦濕疑是巫山行雨歸 又劉允章本傳曰咸通中
允章為禮部侍郎試諸生及進士第並謂先師衣青衿
介幘以還古制 五代史曰前蜀王衍嘗與太后太妃
遊青城山宮人衣服皆畫雲霞飄然望之若仙 又曰

楊行密嘗過楚州臺濛盛供帳之行密一夕去遺衣卧
內皆經補浣濛還之行密曰吾興細微不敢忘本君笑
我邪濛大慙說寶曰宋宰相范質舉進士主文和凝
愛其文以第十三登第謂質曰君之文宜冠多士屈第
十三者欲君傳老夫衣鉢耳蓋和凝五代時舉進士名
居十三故也後質歷官皆與凝同作詩云從此廟堂添
故事登庸衣鉢亦相傳朱子語錄曰陳無已趙挺之
邢和叔皆郭大夫婿陳在館職當司侍祠郊丘非重裘

不能禦寒氣無已止有其一其内子為于挺之家假以衣之無已詰所從來内以實告無已曰汝豈不知我不著渠家衣邪却之既而遂凍病而死 聞見錄曰邵康

節先生嘉祐中朝廷以遺逸命官辭之不從河南尹遣官就第送告敕朝章康節服以謝即褐衣如初至熙寧初再遣官再辭朝章且謝曰吾不復仕矣始為隱者之服烏帽緇褐見卿相不易也司馬溫公依禮記作深衣間幅巾縉帶每出朝服乘馬用皮匣貯深衣隨其後入

獨樂園則衣之嘗謂康節曰先生亦可衣此乎康節曰
某為今人當服今時之衣溫公歎其言合理

衣服三

原卒歲禦寒

詩曰七月流火九月授衣無衣無褐何以卒歲鄭箋曰八月則當績也楚辭

曰無衣裘以禦寒

龍文

虎頭

漢書曰王莽地皇三年正月九廟蓋構成納神主莽謁者

大駕乘六馬以五綵毛為龍文衣東觀漢記曰明帝至長安有三老上章曰見陛下甚喜帝令上殿欲觀上

衣因舉虎頭衣以畏三老

疑衆

遠子

禮記曰作異服奇器以疑衆殺無赦不以聽注云為

其害大辭不可明晉太子申生率師公衣之偏衣狐突曰衣之旃服遠其躬也罕夷曰旃奇無常君有心矣

先丹木曰是服也狂夫阻之阻疑怪也

增四時

千里

拾遺記曰宋景公懸四時之衣

春夏以珠玉為飾秋冬以翡翠為飾又月令春天子衣青衣夏衣朱衣秋衣白衣冬衣玄衣又五時衣詳上

詩曰求繹

原懸鶉

增盤龍

孫卿子曰子夏家貧衣若懸鶉宋太祖

委董遵誨以方面守通遠軍十四年上解所御真珠盤龍衣賜之

外府

半塗

說苑曰魏

文侯封太子擊于中山使不往來舍人趙倉唐奉使文侯問子之君長大孰與寡人倉唐曰君賜之外府之衣則能勝之文侯遣倉唐賜太子衣一襲令倉唐雞鳴時至太子迎拜賜發篋衣盡顛倒太子趣具駕曰賜之衣非以為寒也欲召擊也無誰與謀故遺子以詩曰東方未明顛倒裳衣顛之倒之自公召之隋時內官多服半塗即今

五銖

三褚

博異記曰岑文本家有扣門云上清童子冠青圓角冠衣

長袖也

青衣語漢晉間事問其服曰此上清五銖服出門牆下
不見掘之墓中得一古錢乃漢所鑄也漢文帝賜南

粵王佗上褚五十衣中褚三十衣
下褚二十衣注以綿裝衣曰褚

原衣文繡服織

羅墨子曰衣服不美身體從容不足觀也衣必文繡又
孟子曰不願人之文繡也阮籍咏懷詩曰西方有

佳人皎若白月光被服

著鹿皮績獸毛

列仙傳曰鹿皮公者

織羅衣左右佩雙璜

淄川人也少為府小吏木工舉手能成器械岑山上有
神泉人不能至小吏白府君請木工作轉輪懸閣上其
巔作祠舍留止其旁食芝草飲神泉著鹿皮衣上閣後
百餘年下賣藥于市王隱晉書曰老萊子為楚王所
聘妻投其舂而去老萊子亦隨其妻至于江

彰五采

南曰鳥獸解毛可績而為衣其遺粒足食也

施五法

虞書曰以五采彰施于五色作服汝明禮
深衣曰古者深衣蓋有制度以應規矩繩權

衡短母見膚長母被土制十有二幅以應十有二月袂
圓以應規曲袷如矩以應方負繩及踝以應直下齊如
權衡以應平五法
已施故聖人服之

衣青布

持黃羅

三輔決錄曰王
邑為從弟奇求

蔣翊女盛服送之女辭不取但衣青布曰受父命不敢
違邑乃歎曰所以與賢者婚欲為此也
列仙傳曰道
士徐延年平陽人也見人持新黃羅衣云延年五
月五日三更之時月明若晝從五億萬人登仙
取

象乾坤

制應規矩

易繫辭曰黃帝堯舜垂衣裳而
天下治蓋取諸乾坤
下詳上

衣服四

原甚偉

漢書曰四皓隨太
子入朝衣冠甚偉

甚鮮

漢雜事曰張倉高祖
時有罪當斬身體長

大肥白如玉帝一見而
美之與衣服甚鮮遂赦

玉衣

列子曰周穆王時西極
之國有化人來穆王敬

之為築中天之臺日日獻玉衣旦旦薦玉食又上賜霍光玉衣耿秉死上亦賜玉衣貴人死者珍異之服也

珠服

左思吳都賦曰矜其宴居則珠服玉饌

紵衣

左思吳都賦曰士女佇眙工賈駢坐

紵衣締服

綺衣

漢書曰文帝時單于遣使遺繡袷綺衣

文衣

尉繚子曰天子

文緣

采衣

楚辭曰浴蘭湯兮沐芳華采衣兮若英

制形

文子曰古之為道者量腹

而食制形而衣

稱德

柳公綽大醫箴曰衣服稱德侈則生慢

翠衣

說苑曰襄成君始封

之日翠衣玉帶劔履縞舄

綠衣

揚雄反騷曰矜芰茄之綠衣

藏文

呂氏春秋曰被褐而

出衣錦而入藏文于內固不可也

昭儉

昭其儉也注儉而有度

旌禮

傳曰服以旌禮

明度

昭其明也

列采

禮記曰非列采不入公門列采正服之色

均式

周禮曰太宰以九式均節財用四曰羞服之式式用財之節度羞飲食也

問儒

哀公問孔子曰夫子

之服其儒服與孔子曰丘少居魯衣縫掖之衣長居宋冠章甫之冠丘聞君子之學也博其服也鄉丘不知儒服

譏異

禮記曰闕執禁以譏禁異服識異言

去地

漢朱博字子元為瑯琊太守敕官屬

多作褒衣大袪不中節度自今掾吏衣皆令去地三寸袪袴也

回肘

禮記曰深衣袂可以回肘言寬

也

衿衣

卑服

文王

禹惡

惡衣服而致美乎黻冕

晏澣

禮記

曰晏平仲澣衣濯冠以朝君子以為隘

絲衣

詩曰絲衣其紕

鞠衣

禮記曰季春天子乃

薦鞠衣

在笥

書曰惟衣裳在笥

在躬

禮記曰衣服在躬而不得其名為罔注罔

于先帝

然無知之貌

請澣

又曰子事父母衣裳垢和灰請澣

請綴

又曰衣裳綻裂紐鍼請補

綴

掌縫

周禮曰縫人掌王宮縫
幹之事掌內外之縫事

衽服

賦曰衽服縟
川美人華麗

之衣也

又詩曰新妝衽服照江東

又鄒陽上

擊

吳王書曰武力鼎士衽服叢臺之下者一旦成市

衣

趙襄子既滅智伯智伯之臣豫讓變姓名入宮塗廁
以刺襄子不中後伏于橋下襄子至橋馬驚遂得讓

讓曰臣固伏誅然願請君之衣而擊之襄子義之付之

衣讓拔劍三躍呼而擊之曰吾可以報智伯矣遂伏劍

死趙國

易衣

禮記曰儒有易衣
而出并日而食

朝服

晉輿服志曰
漢制一歲五

皆流涕

郊天子與執事者所服各如方色百官服常服絳衣以

從魏以來名為五時朝服今止給四服闕秋服三年一

易

論語曰吉月必朝服而朝

廟服

又云公特進列
侯卿大夫世婦

鄉人雖朝服而立於阼階

中二千石夫人紺繒幘簪珥入廟自二千

命服

出禮
記賜

石夫人以上至皇后皆以蠶月衣為廟服

服也

游服

游嬉之服

卉服

禹貢曰島夷卉服

美惡終

叔孫通曰服美不稱

必以惡終

素化縑

素衣化為縑風塵也

增題衣

拾遺錄曰任昉年十四時學無常師

夜則映星望月暗則縷麻蒿以自照觀書有合意者題其衣裳以記其事門徒悅其勤學更以淨衣易之時人

謂任氏為經苑

振衣

不能寐振衣而起也詩曰振衣獨長想韓愈詩曰振衣遊雲闕古詩曰振

衣千仞岡

元服

令月吉日始加元服冠也

初服

楚辭曰退將復修吾初服初服也謂未仕

時清潔之服也

盛服

左傳曰晉趙宣子盛服將朝

奇服

屈原涉江曰余幼好此奇服兮

年既老而不衰

微服

堯微服遊于康衢孔子微服而過宋

褻衣

禮記曰季康子之母死陳

褻衣敬姜曰婦人不飾不敢見舅姑將有四方之賓來褻衣何為陳于斯遂徹之

索衣

漢王吉字

子陽好車馬衣服自奉養極為鮮明而遷徙所載不過
素衣天下服其廉而怪其奢世傳陽能作黃金一作囊

衣

綴衣

書曰虎賁綴衣
又狄設黼黻綴衣

輕衣

黃庭堅詩曰已
剪輕衣換袍袴

更衣

容齋隨筆曰雅志堂後小室名之曰更衣為姻賓
憩息地稚子數請所出因錄班史語示之灌夫傳

坐乃起更衣顏注更改也凡久坐者起更衣以其寒煖
或變也田延年起至更衣顏注古者延賓有更衣處衛
皇后傳帝起更衣
衣子夫侍尚衣

嘉服

左傳曰以嘉服
見則喪禮未畢

端服

謂整
服也

祛服

姣服

皆好
衣也

牛衣

漢王章學長安疾病無被卧
牛衣中與妻對泣後為京兆

上封事妻曰人當知足獨不念牛衣中涕泣時
邪果下廷尉死牛衣編亂麻為之今呼為龍具

鶉服

詩曰鶉服長悲
碎貧者之服也

三衣

圓覺經曰一日僧伽梨即大衣
也二曰鬱多羅僧即七條也三

曰安陀會即五條也此是三衣
若呼七條褊衫裙為三衣誤也

兼衣

謝惠連雪賦曰
御狐貉之兼衣

雪衣

蘇軾詩曰記得金
籠放雪衣鸚鵡也

金衣

西京雜記始元元年
黃鵠下太液池上為

歌曰黃鵠飛兮下建章羽肅肅兮行蹒蹒金為衣兮菊
為裳唼喋荷荇出入蒹葭自顧菲薄愧爾嘉祥 唐明

皇謂鶯為

烏衣

燕子國 唐詩曰
烏衣巷口夕陽斜

玄衣

龜曰玄
衣督郵

金衣公子

雲衣

天上浮雲
如白衣

垣衣

廣雅苔在
垣曰垣衣

袷衣

御袷衣無絮
之夾衣也

冶服

詩冶服看疑畫
美女之冶服也

荷衣

離騷曰製芰
荷以為衣兮

艾衣

燕

雜記曰五月五日午時采艾摘葉與綿相和絮
衣七事遼主著之番漢臣僚各賜艾衣三事

素衣

陸機詩曰京洛多風塵素衣化為緇
謝玄暉詩曰誰能久京洛緇塵染素衣

素服

左傳曰
秦伯素

服郊次鄉師而哭

羽衣

赤壁賦曰羽衣翩跹長恨歌曰驚破霓裳羽衣曲

蘿衣 蘿女

即薛荔衣也唐孟浩然詩曰山風拂蘿衣

山服

居士野人之服

象服

詩曰象服是宜法度

之服也

傳衣

傳燈錄曰釋迦佛生四十九年將金縷僧伽黎衣傳與一祖摩訶迦葉傳至三十二

祖弘忍按傳衣乃西域屈昫布緝木綿花心織成

寶衣

陸倕石闕銘曰棄彼寶衣

原儒

衣酈食其踵軍門上謁衣儒衣冠沛公使人謝曰方以天下為事未暇見儒人食其按劍叱使者曰吾高陽

酒徒非儒者也沛公遽延入

麻衣

深衣也又麻衣道者明易

操製

漱澣

並見禮記

增華章

劉禹錫集曰顧逢掖之腐儒被華章之貴服

璀璨

賦曰披羅衣之

璀璨美女衣明淨貌

桂徽

楊錯雜之桂徽美女服也

絺纈

佩絺纈以輝煌衣盛飾貌

織柔

謝春衣表曰執領襜褕而抃舞
夫次被織柔而顧盼增輝

綸襖

美女衣
長大貌

鶴

文

謝冬衣表鶴文是賜遠慙晉代
之賢鵝翼不濡實懼曹風之刺

龍綃

杜陽編曰唐
元載寵姬薛

瑤英衣龍綃衣一襲無
一兩搏之不盈一握

質孫

元史輿服志曰質孫漢
言一色服也內庭大宴

則服之冬夏之服不同然無定制凡勲戚大臣近侍賜
則服之下至于樂工衛士皆有其服精粗之制上下之
別雖不同總綌領淮南子曰古者有鑒而綌領以王
謂之質孫云

綌領

淮南子曰古者有鑒而綌領以王
天下者矣其德生而不辱予而不

奪天下不非其服同懷其德當此之時陰陽和平風雨
時節萬物蕃息鳥鵲之巢可俯而探也禽獸可羈而從
也豈必褒衣博帶

執祛

西極之國有化人來王執化
人之祛騰而上者中天而止

絳構衣

詳衣
服一

蓮葉衣

詩曰香飄蓮葉
衣隱士所服也

藕苗衣

唐

干詩曰竹塲
松樹藕苗衣

丹霞衣

詩曰披我丹霞衣襲
我素霓裳皆仙服也

金縷衣

襄陽耆舊傳曰王昌字公伯為東平相散騎常侍早卒
婦是任城王曹子大女昌弟式字公儀為渡遼將軍長
史婦是尚書令桓階女昌母聰明有典教二婦入門皆
令變服下車不得踰侈後階子嘉尚魏主欲金縷衣見
王式婦桓嘉止之曰其姬嚴固不聽善爾不須
持往犯人家法
蘇軾詩曰把酒一聽金縷衣
隱居
服 盧鴻還山賜隱居服 孟
先曰妾自有隱居之服

古人服

上謂毛玠曰君
有古人之風故

賜君古
人之服

道家衣

宋王禹偁詩曰漁
家船舫道家衣

越羅衣

詩曰美
人猶舞

越羅
衣

衷袒服

左傳曰陳靈公與孔寧儀行父通于夏
姬皆衷其袒服以戲于朝注袒服近身

衣也

離塵服

袈裟名無垢衣又名消
瘦衣離塵服忍辱鎧

冷裝綿

吐前詩
曰衣冷

欲裝

炎流汗

又曰炎赫衣流汗

原不待煖

漢書寒之于衣不待輕煖

常苦寒

古詩曰衣葛常苦寒

賦無衣

左傳曰申包胥如秦乞師秦哀公為之賦無衣九頌

首而坐秦師乃出

獻紵衣

季札與子產縞帶子產獻紵衣焉

增緹衣韎韐

皆武人勇士所服者

便姍弊屑

美女衣服婆娑貌

紛紛袞袞

衣整齊貌

披披晏晏

靈衣兮披披衣長貌又曰被荷裯之晏晏荷裯荷衣也晏晏衣盛貌

綃紫蘿

碧

鳳池編曰李紳為相時俗尚輕綃紫燕碧為婦人衣紳自為小君裁剪

金花紫羅

京西

雜記曰趙飛燕為皇后其女弟在昭陽殿遺飛燕金花紫羅面衣

如不勝衣

禮記曰趙文子

退然如不勝衣

遺天下衣

齊桓公出遊見老人命之食曰請遺天下衣遺天下食遺之衣曰請遺天下衣

公曰吾府庫有限老人曰春不奪
農時即有食夏不奪蠶工即有衣

送酒白衣

陶淵明九日無

酒須臾見白衣人
送酒乃王弘也

點頭朱衣

歐陽修知貢舉每考卷
坐後覺有一朱衣人點

頭然後其

淡妝素服

龍城錄曰趙師雄遷羅浮日暮
于松林酒肆旁見一美婦人淡

文入穀

妝素服出迎與語芳香襲人因與扣酒家共飲師雄醉
寢起視在大梅花林下翠羽啁嘈月落參橫惆悵而已

被文服纖

文謂綺繡纖謂羅
縠此美人之服也

流霞羽服

古賦曰佩
流霞之羽

服

納衣垂翠

納衣承佩緩垂翠逐
鑑舒皆美衣飾也

象弭魚服

出采
薇詩

象弭以象骨飾弓魚服
取魚獸之皮為弩矢服

縻弧箕服

周宣王時謠曰縻
弧箕服實亡周國

賣縻弧箕服之人得褒女後
以獻幽王讀罪是為褒姒

原垂衣而治

詳衣
服三

為

衣象天

帝王世紀曰黃帝始去皮服為上衣以象天

夏葛冬裘

韓子曰堯之有天下

也冬日鹿裘

夏日葛裘

朝新暮敝

桓譚新論曰楚之鄂都車轂擊民肩摩市路相排突號為

朝衣新而

布衣韋帶

說苑曰秦王以五百地易鄢陵鄢陵辭而不受使唐侯謝秦王

暮衣敝

怒曰公亦嘗見天子之怒乎伏尸百萬流血千里唐侯曰大王亦嘗見布衣韋帶之士怒乎伏尸二人流血五

步

荷衣蕙帶

楚辭曰荷衣兮蕙帶儵而來兮忽而逝

鱗衣霓裳

又曰鱗

衣而白霓裳注魚鱗衣雜五采為衣如鱗文也白霓裳素練也

雲衣虹紳

曹植與陳琳書曰被

翠雲以為衣戴北斗以為裳帶蛻虹以為紳

唐尊小衷

漢書曰王莽以唐尊為太傳尊以國

歎民貧乃著短衣

寬饒短衣

蓋寬饒字次公左遷衛司馬出殿門斷其單衣

小衷按衷古袖字

今短離地冠大冠帶
長劔即日按行衛士

曾子不製

莊子曰曾子在衛
十年不製衣服

婁敬不易

漢書曰婁敬齊人也漢五年戊龍西過洛陽
高帝在焉敬脫輓輅見齊人虞將軍曰臣願

見上言便宜虞將軍欲與鮮衣敬曰臣
衣帛衣帛見衣褐衣褐見不敢易服

衣無文繡

晉

興書曰中宗嘗幸鄭夫人衣無
文繡孟子曰不顧人之文繡

擇不取費

闔閭衣服
擇不取費

儉也
不過囊衣

詳衣
服二

不著新衣

世說曰桓車騎不好
著新衣浴後婦故送

新衣車騎大怒催使持去婦更持還傳
語云衣不經新何由而故桓大笑著之

布衣飯牛

莊子

曰魯君聞顏闔得道之人也使人以幣
先焉顏闔守陋閭粗布之衣而自飯牛

烏衣率士

魏志

曰泰始三年議郎段灼上疏理鄧艾曰值歲凶旱艾為
區種身被烏衣手執耒耕以率將士上下相感莫不盡

力

漢王解衣

漢書曰韓信既平齊項羽使武涉說信背漢歸楚信謝曰漢王授我上將軍印

數萬之衆解衣衣我推食食我言聽計用背之不祥幸為信謝項王

世祖解衣

東觀漢記曰來

歛與劉嘉俱詣洛陽世祖見歛與之大歡即解衣以衣之

詔賜御衣

續漢書曰楊賜以病罷居

無何拜為太常詔

特賜御衣

魏志曰華歆為司徒歆素清貧祿賜以賑施親

賜御府衣一襲

戚故人家無擔石之儲帝詔特賜

奉羹汚衣

後漢劉寬夫人

御衣及為其妻子男女皆作衣服

欲試寬令恚伺當朝會裝嚴已訖使侍婢奉

對竈炙

肉羹翻汚朝衣寬不怒徐言曰羹爛汝手邪

衣

東觀漢記曰上聞王郎軍至復驚去至南宮天大雨上引車入道旁空舍竈中有火馮異抱薪鄧禹吹火

上對竈

使作徒衣

後漢書曰鍾離意詔部送徒時冬寒徒病不能行路過弘農意輒移

炙衣也

屬縣使作徒衣

傭作賊衣

又曰虞詡為朝歌長朝歌賊寧季屯聚連年州郡不能禁詡乃潛遣

貧民能縫者傭作賊衣以綵線縫其裾為識有出市里者吏輒擒之賊由是駭服咸稱神

偏下僎

卑

僎迫也蘭葉反禮云為己僎卑

黜華尚素

士不衣織

織染絲音志

賈無衣錦

高帝詔賈人無得衣錦繡綺縠絺綌紵紵罽縠兵乘車馬

寶玉之衣

詩火

入荒陵化寶衣

襚之衣

草衣以禦雨衣襚一云即薜荔衣也

增負

筐衲衣

南唐近事曰韓熙載放曠不羈著衲衣負筐令門生舒雅執手板于諸姬院乞食以為笑樂

簾為妓衣

夏侯宣妓妾無衣每隔簾奏樂時謂簾為夏侯妓衣

原既非常服

難逭明刑

桓公好紫衣

尹文子曰齊桓公好紫衣齊國盡服之

景

公衣黼黻

晏子曰景公衣黼黻之衣素纈之裳一衣而五采具焉

孝已視厚薄

尸子曰孝已一夕三起視衣之厚薄枕之高卑愛其親也

老萊服斑斕

孝子傳曰老萊子年

七十父母猶在萊子常服斑衣為嬰兒戲

詔卓茂一襲

東觀漢記光武下詔曰前密令卓茂

束身自修執節淳固今以茂為太傅封褒德侯賜安車一乘衣一襲

賜周瑜百領

吳書曰孫

權每賜周瑜衣寒暑皆百領諸將莫有及者

犯劓者赭衣

大辟者布衣

尚書大傳曰唐虞象刑云云

既同聚鶡之尤

宜及維鶡之刺

布衣之儉見彼汲黯

韋袴之敝聞之祭遵

儉不曳

婁雖聞諷于蟋蟀

奢而好潔亦見刺于蜉蝣

狐裘

之陋雖致誚于齊相 麻衣之侈亦見刺于曹人

衣服五

原詩魏曹毗夜聽擣衣詩曰寒興御紉素佳人治衣襟
冬夜清且永皓月照堂陰纖手疊輕素朗杵叩鳴碓清
風流繁節迴飈灑微吟嗟此嘉運速悼彼幽滯心二物
感余懷豈但聲與音 宋謝惠連搗衣詩曰衡紀無淹
度晷運倏如催白露滋園菊秋風落庭槐肅肅莎雞羽
烈烈寒蛩啼夕陰結空幕宵月皓空閨美人戒裳服端

飾相招攜簪玉出北房鳴金步南階簷高礎響發楹長
杵聲哀微芳發兩袖輕汗染雙題 增梁武帝搗衣詩

曰駕言易水北送別河之陽沈思慘行鑣結夢在空牀
既寤丹綠謬始知紉素傷中州木葉下邊城應早霜陰
蟲日慘烈庭草復芸黃金風徂清夜明月懸洞房嫋嫋
同宮女助我理衣裳參差夕杵引哀怨秋砧揚輕羅飛
玉腕弱袖低紅裛朱顏日已興盼睇色增光搗以一匪
石文成雙鴛鴦製握斷金刀薰用如蘭芳佳期久不歸

持此寄寒鄉妾身誰與容思君苦入腸 原王僧儒咏
搗衣詩曰足傷金管遽多愴緹光促露團池上紫風飄
庭裏綠散度廣陵音慘寫漁陽曲別鵠悲不已離鸞斷
還續尺素在魚腸寸心憑雁足 柳惲搗衣詩曰孤衾
引思緒獨枕悵憂端深庭秋草綠高門白露寒思君起
清夜促柱奏幽蘭不怨飛蓬苦徒傷蕙草殘行役滯風
波遊人淹不歸亭皋木葉下隴首秋雲飛鶴鳴勞永歎
採綠傷遲暮念君方遠遊賤妾理紈素秋風吹綠潭明

月懸高樹軒高夕杵散氣爽夜砧鳴瑤華隨步響幽蘭

逐袂生

劉孝威賦得香出衣詩曰香出衣步近氣逾

飛博山登高用鄴錦含情動靨比洛妃香纓麝帶逢金
縷瓊花玉勝綴珠薇蘇合故年微恨歇都梁路遠恐非
新猶賢漢君方千里尚笑荀令止三旬 費昶華光省

中夜聽城外搗衣詩曰閭闔下重關丹墀吐明月秋氣
城中冷秋砧城外發浮聲繞雀臺飄響度龍闕宛轉何
藏摧當從上路來藏摧方未已定自乘軒里乘軒盡世

家佳麗似朝霞圓瑤耳上照方繡領間斜衣燠百和屑
鬢插九枝花昨暮庭槐落今朝羅綺薄拂席卷鴛鴦開
縵舒龜鶴金波正容與玉步依砧杵紅袖往還縈素腕
參差舉徒聞不得見獨夜空愁佇 增魏溫子昇搗衣

詩曰長安城中秋夜長佳人錦石搗流黃香杵紋砧知
近遠傳聲遞響何淒涼七夕長河爛中秋明月光蟬螭
塞邊絕候雁鴛鴦樓上望天狼 原周庾信夜聽搗衣
詩曰秋夜搗衣聲飛度長門城今夜長門月應如晝日

明小鬟宜粟纈圓腰運織成秋礪調急節亂杵變新聲

石燥砧逾響桐虛杵絕鳴鳴石出華陰虛桐採鳳林北
堂細腰杵南市女郎砧並結連支縷雙穿長命針倡樓
驚別怨征客動愁心 又曰搗衣明月下靜夜秋風飄

錦石平砧面蓮房接杵腰急節迎秋韻新聲入手調寒
衣須及早將寄霍嫖姚 增唐杜甫端午日賜衣詩曰
宮衣亦有名端午被恩榮細葛含風軟香羅疊雪輕自
天題處濕當暑著來清意內稱長短終身荷聖情 裴

說寄邊衣曰深閨乍冷開香篋玉筯微微濕紅頰一陣
霜風殺柳條濃陰半夜成黃葉重重白練明如雪獨下
閒階轉淒切祇知抱杵搗秋砧不覺高樓已無月時聞
寒雁聲相喚紗窓只有燈相伴幾幅齊紈又懶裁離腸
恐逐金刀斷細想儀形執牙尺回刀剪破澄江色愁捻
銀針信手縫惆悵無人試寬窄時時舉手勻殘淚紅箋
謾有千行字書中不盡心中事一半殷勤託邊使于
鵠秋衣詩曰篋中有秋帛裁作遠客衣縫製雖女工尺

度手自持容貌常目中長短不復疑針縫密且堅遊客
多塵縑意欲都無言澣濯耐歲時殷勤託行人傳語慎
勿遺別來已年老亦聞鬢成絲縱然更相逢握手唯是
悲所寄莫復棄願見長相思 宋楊萬里曬衣詩曰亭
午曬衣晡褶衣柳箱布襪自攜歸妻孥相笑還相問赤
脚蒼頭更阿誰 元曹伯啓澣衣圖詩曰靜女思歸寧
澣衣拜高堂隱士履貞固濯纓視滄浪苟有涓潔心惟
悴猶姬姜常懷濟時策進退皆康莊 熊鉅搗衣曲曰

北望悠悠音信少空房念遠心常早流螢煜煜夜稍清
塞雁噉噉寒已到細絲清水練方新在梳半濕日中明
隔籬翁媪寐不熟月落尚聞砧杵聲將軍錦帳環歌舞
百戰尚遲歸寸土老農肩米肉成瘡思婦裁衣淚如雨
李俊民搗衣詩曰一夕秋風雁過聲鐵衣辛苦向邊
城將軍不用和戎計雙杵休辭月下鳴 趙孟頫聞搗
衣詩曰露下碧梧秋滿天砧聲不斷思綿綿北來風俗
猶存古南渡衣冠不及前首膏總肥宛腰裏琵琶曾泣

漢嬋娟人間俯仰成今古何待他年始惘然 陳基裁

衣曲曰殷勤織紉綺寸寸成文理裁作遠人衣縫縫不
敢遲裁衣不怕剪刀寒寄遠唯憂行路難臨裁更憶身
長短只恐邊城衣帶緩銀燈照壁忽垂花萬一衣成人
到家 鄭允端擬寄衣曲曰男兒遠向交河道鐵馬金
戈事征討邊頭八月霜風寒欲寄戎衣須趁早急杵清
砧搗夜深玉纖銅斗熨帖平裁縫製就衣襖裙千針萬
線始得成封裏重重寄邊使為語夫君奮忠義好將功

業立邊陲要使聲名垂史記 張端搗衣詩曰為搗清

砧素令人念橐砧近寒將雁至入夜見蛩吟霜月三更

杵闌山萬里心金風何太弱不與送餘音 宋无寄衣

曲曰征衣須早寄遙憶橐砧寒莫訝啼痕少相思淚已

乾 倪瓚素衣詩曰素衣涅衣在彼公庭載傷迨隘中

心怔營彼苛者虎胡恤爾氓視民如猓寧辟尤詬禮以

自持省焉內疚雖曰先業念毋盪失守而不遷致此幽

鬱身辱親殆孝違義屈蔚蔚荒塗行邁靡通雖雖鳴鳳

世莫之逢夕風淒薄曷其有旦吁嗟民生實罹百患先
師遺訓豈或敢忘簞瓢稱賢樂道無殃予獨何為悽其
悲傷空谷有芝窈窕且廓爰宅希靜菽水和樂載弋載
釣我心不忤安以致養寤寐忘憂修我初服息焉優游
增賦唐李程衣錦褰衣賦曰君子制服兮損益以時秉
衣錦之特麗必尚褰以相資欲曳婁以成飾故威儀而
可持異彼佩環有以文為貴者同夫締綌必特表而出
之察其所以亦將有旨願無伐善俾其蘊美衛詩既作

且賦于碩人之篇匪服是加則嗤乎彼其之子異狐裘而羔袖比綠衣而黃裏蒙纖縞而不隔籠渥彩之可擬彷彿兮若豹姿之藏霧隱映兮似珠光之透水徒有美于爛然孰可詳其蔚矣故服之無數終然允臧當斐然而入用懼學製以見傷知我者謂我隱蔽文章不知我者謂我顛倒衣裳曾不念順之則理的然而亡自類韜光不耀孰云欲蓋而彰比乎繪事後素勿矜為寶不有外者何以混其色不有內者何以蓄其藻雅符含章之

德不愆盡飾之道服既美矣人亦宜然等誠明之道合
同出處之義全亦猶絜矩之士窮而不濫蘊貞明體恬
淡昔有喻于讒口何以自明今不衣而夜行寧惟逮暗
是知大象既分先質後文德為道用靜為躁君不銜昭
質退藏于密匪同龐服之奇自契黃中之吉彼無褐空
念于卒歲此成章不俟兮終日未若賦衣錦之褰衣為
終身之自律 李子卿府試授衣賦曰九月肅霜山靜
風落天高氣涼蟋蟀入兮堂戶近鴻雁飛兮天路長欲

備歲之無衣無褐始禦冬而載玄載黃命婦女事為公
子裳若乃田畷入室居人在巷警殺氣之秋墮切嚴霜
其夜降物藏于時人感于是雖懷有稔而及節亦念無
衣而在此績我絲麻具爾紈綺將備服之纁素豈徒事
夫紅紫則知王者之德聖人之思禮法在矣古今以之
事陳王業功當天時澤及周王之道歌得幽人之詩既
而滌場穹室熏鼠乘其農間以入室處爰邀載績之功
始命縫裳之女摻摻柔脆札札鳴杼天寒夜靜既閱西

鄰之光月明更深齊度南軒之杵夫如是事合其制禮
亦有序物嚮政方人知義所將前規不昧故斯事必舉
資爾績而卒歲是裳授余衣而窮冬可禦方今四隩既
宅九州攸同人悅物茂時和年豐男勤耕于稼穡女務
績于蠶工雖悅當今之化亦由行古之方于是彼其之
子各稱其服此生之物咸得其羣念彼及此務穡勸分
雖非後作抑有前云豈上帝之思我實下人之戴君客
有聞而歌曰天之高兮無不覆君之大兮無不祐生人

殖物既庶且富爾在于時爾茅于晝霜始降兮女工就
歲時窮兮寒衣授 張何授衣賦曰惟改歲之弘典爰

授衣于肅霜稽月令之前制得函詩之首章夫其損益
從時取其觀古人象玄黃既績可以為公子裳促機上
之寒杼發桑間之懿筐零露既漙肅霜夕降聚于燎火
無資于借人勸其功傭俾率于同巷爾其敦質素黜華
靡詡葛屨之儉嗇笑麻衣之浮侈裂素之潔既無取于
流黃我朱孔陽復何為乎惡紫苟狸製之可識諒羔羊

之在此且德惟稱服道在隨時惜光陰之暮矣恐締綌
之淒其會斯蠶績取彼狐狸既申之以雜佩又組之以
素絲信物之美者惟君子宜之借如輕裘被服之客纖
手縫裳之女晝剪綺紈夜調砧杵微芳發素袖舉絲兮
衣兮爰笑爰語莫不遵向晦以宴息樂盛陰之室處於
戲聖實作則皇惟降衷禮章度數服制卑崇鑒羔袖之
非類慎鷩冠之不中豈可褻然充耳不念女工俾僭亂
以陵上興怨言于大東而已是以帶裳表儉黻冕昭文

襲緇衣之改造追補袞之清芬故能宜象服集玄纁將
菲薄以為寶豈浮奢之足云有守道固窮至圖未就卒
歲無褐憂心如疚四時迭運竊獨悲此凜秋萬物有託
子何為乎巖岫空負悲哉之感徒為哿矣之富儻有彈
冠之期不忘綈袍之舊周存賦曰二儀幹化兮四運
環周大火中而退暑白露泣而成秋玄鳥去巢望雲海
以幽蟄旅雁違漠指烟江而遨遊農事云就婦功聿修
感蟲鳴之促織念客恨之衣裘慮之云誰彼姝者子弄

機杼以成績秉刀尺以循理揣其修短運纖手以俱營
善乃規模敏惠心而獨揆爾其上下有序度量有常咸
循故以取制豈崇異而違方隨貴賤以合則處玄素而
有章伊四人之所授必九月之降霜彼美衣工獻華服
之楚楚彼都人士被狐裘之黃黃清霜既降商飢亦厲
哀草萋庭墜葉流砌氣蕭瑟以增冷天沈寥而澄霽雖
人將入室知所以戒寒而時或無衣則何以卒歲是乃
背豳風者無備遵月令者有繼也若乃白日向昏愁雲

四展歸鳥時聚斷蓬孤轉風生虛室之寒服念輕裘之
善則晏平仲悔累年之未易桓將軍授新衣而不遣也
爰有別江山之墨客遊他鄉而未歸驚歲序之云暮恨
籌謀之尚違矧夫搖落秋聲淒切霜氣巡階除而不樂
撫心曲而誰謂且士有知己而我獨無人皆授衣而我
獨未因感時而增歎聊作歌以自慰歌曰愁霜落兮歲
已終秋雁吟兮悲遠空短褐不完兮憂思充庭蕭蕭兮
冷暮風

原銘晉傳玄衣銘曰衣服從其儀君子德也衣以飾外
德以備內內修外飾禮有制也

原箴漢蔡邕衣箴曰今人務在奢嚴志好美飾帛必薄
細衣必輕煖或一朝之宴再三易衣私居移坐不因故
服

原啓梁庾肩吾謝東宮賚內人春衣啓曰階邊細草猶
推綵葉之光戶前桃樹反訝藍花之色遂得裾飛合燕
領闢分鸞試顧采新皆成留客

增表宋宋祁謝衣襖表曰冬簫乘辰裘官著令疾馳使
驛臨撫塞屯並頌齊筭之良均挾吳綿之煖被躬且吉
束帶有華伏惟皇帝陛下至德誕敷深仁普愛念官師
所以卒歲恐天下有受其寒居泰軫窮當舒慮慘况淒
其戒序必惻然動心特以濱寒沍嚴持兵輶露句傳溫
詔緘褚紋袍爛然晝鮮煦若春至矧部校什長賜各有
差僻壘窮鄣悅而忘苦振裾交扑聯襪相趨和氣暢肢
顧折膠而何畏大恩壓已憂稱服以為難有可仰酬不

知輕殞 鼃補之謝賜春衣表曰勾萌畢發慶賜可行

土牛久飾于送寒幽籥未歌于迎暑乃眷造庭之願爰
開在筭之良肆有等差均于覆被恭惟皇帝陛下宜人
布政育物為功卉皮自適于陰陽氎毳同和于天地既
陶無外之化亦霑咸若之恩織筐亂流豈惟加五百里
之遠女工同燎故復半三十日之收矧是具僚與之同
體適及風雩之後大頒帑帛之珍君賜足榮不歎無衣
之七王章有分庶逃終褫之三誓各靡捐以圖報稱

御定淵鑑類函卷三百七十三

謹案第三十二頁前三行女辭不取刊本女訛翊
據三輔決錄改

第四十二頁前六行閭闔下重闕刊本閭訛閭據
唐類函改



總校官庶吉士臣張能照

校對官檢討臣王福清

謄錄監生臣秦在亶